

**CİGERXWİN**

**RONAK**

**DİWANA 4'A**

**STOKHOLM 1980**

CİGERXWİN

**RONAK**

DÎWANA 4'A

ÇAPA YEKEM


WEŞANÊN ROJA NU

STOKHOLM 1980

WEŞANÊN ROJA NU : I

Navnîşan : BOX 4038  
14104 HUDDINGE/SWEDEN

ISBN 91-7672-000-4  
Bokförlaget ROJA NU  
Copyright Cigerxwin  
Printed in Sweden by  
Författares Bokmaskin  
Stockholm 1980



CIGERXWÎN



## FEHRESTE

### BİRÊ WELATPERWERÎ

Hawar hawar .....	11
Kî hilgirî vî barê min .....	17
Hovîtiya dijmin .....	20
Tiştên kesnedî .....	25
Ez nizanim çi bêjim .....	28
Çi ji mer divê .....	36
Bi ser çiyan ketim .....	39
Rewşa welêt .....	40
Setemkarîya dijmin .....	41
Zor û çavsoriya dijmin .....	45
Dûvê nav çiravê .....	49
Kurdistan .....	54
Em şer naxwazin .....	58
Ta neşcwitin ronî nadî welêt ....	66
Welatperestî .....	68
Hizam Zennar .....	70
Aleqemşê .....	83
Ji nûve em berjor diçin .....	89

### BİRÊ CİVAKÎ

Çibkim bi rojî û nimêj .....	92
Fatê û mela .....	94
Ho ho şivano .....	98
Derwêş xwe nadî pêş .....	102

Şerê Dîna .....	105
Ji tirsa zana xwedê birne ezmana.	108
Ji xwedê divêñ û em firinga didin	112
Zengil dinalî .....	119
Bi hêstira dilê dijmin nerm nabî.	121
Ho karker bibin yek	123
îlham .....	126
Sefeq hilda .....	129

## BİRÊ EVÎNDARÎ

Ew dînya pir xweše	131
Diyariya yarê .....	135
Destê xwe pacijke ji xwînê	137
Baxê şahbalê peri	140
Çep û rast .....	142
Pîr bûm dil pîr nabî .....	144
Bi tore bixwîn vê namê	146
Me dil daye bertavê	149
Di xewnen şevande	152
Agir pêta evînê .....	154
Di ser çavên me ra hatî	160
Helbestak .....	164
Cejne yar dilxweş dibî	171
Gazin çine	173
Nameya derd û xeman	175
Yara .....	176

Penge rû .....	177
Tu zanî ma çi dermane .....	179
Derdê derûnim .....	181
Ocaxe yar .....	183
Yar hat civîna min bi şev .....	185
Xeyamî .....	187
Tihnîme .....	189
Şerîn lebê .....	191
Dilo mizgîn li te şabe .....	192
Fetweya pîrê mexan da .....	194
Dil perçe perçe hûr dîkî .....	196
Hove neda rengê xezala .....	197
Bextê sipî .....	198
Guh bide dîrokê .....	199
Eman, heylê .....	201
Evinâ dil .....	206

## PÊSGOTIN

Ne hewce ye ku ez li ser şexsê Cigerxwîn dûr û dîrêj binivîsim. Di çar parçen Kurdistanê da êdî kî heye ku wî nasnake û derheqa emrê wî da ne bihîstîye? Li welatên dereke jî Cigerxwîn, wek şairekî Kurd ê mezin û wek hostayekî şoresser bi nav û deng bûye.

Di dînyayê da hertişt gora şrûtên dorberê xwe pêk tê. Merivêr rêber, serok û senatkarên mezin jî gora hewcayê zeman û mekan derdikevin, dighêñ. Miletê me şairek mina Cigerxwîn derxist, ji ber ku Kurdistan newcedarî wî bû. Ew nêzîkî dused sal in ku Kurdistan dîkele, bo azadî ceng û şer dike û tê pelixandin. Gelê me hewcedarî dengekî bilind bû; Cigerxwîn bû ew deng; wî di şîrêñ xwe da gili û gazînêñ, hêvî û daxwazêñ gelê me anî ser zmêñ û bilind kir. Bona vê yekê, gelê me jî ji wî ra xwedî derket, dengê wî bû denjê gel...

Cigerxwîn hîn di xortanîya xwe da, di dema feqitîyê ku ew li Kurdistanê hêl û hêl digerîya, rewşa .. gel û welatê xwe bi her awayî, xwes fîmkir. Di wê demê da pirkes ji bindestîya welat ra dişevitîn lê yar û neyarêñ gel û rîya xilasbûnê bi awakî zclal ne didîtin. Piranîya wan, tenê zordestên bîyanî ji gel ra, dijmin dihesibandin. Dijmînên nav gel, mîna axa û şexan, an ne didîtin, an jî xwe li ne dîtinê didan.. Eşkere ye ku, qasî dijminêñ der, yên hundir ji sedemê belengazî û nezanîya gel in. Cigerxwîn ew yek dît û bi dil û can şerê wan zordest û kedxwaran kir. Cigerxwîn bi xwe mele bû, lê wî gelek tiştên pûç û wala şikandin, avêtin avê, ew tiştên ku, ew e hezar sal in, di nav iñsanê me da têne çotin û wan famkor dîkin, wek ji pûsê perdeki dikişînin ber çavêñ merivan. Cigerxwîn rastî dît û rastî got. Di vê babetê da Cigerxwîn bi rola xwe hişyar e, lê ne mure ye:

"Gotinê ku em aibêjin her kesî hişyar dîkin,  
"Ne gelek nû ne welakîn nû qihîştin van dora..."  
(Ji Dewlemendê Bê Şerif)

Di alîyê nivîsandinê da Cîgerxwîn xwe paşda nadê û têr dinivîse. Li ser bûyerên welat û dînyê, li ser babetên dîrokî û li ser dil û delalan.. Ew, di xortanîya xwe da çawa bi qîret bû, iro jî usa jîr e, jê hâtîye. Ev dîwana wî ya çaran ku di 77. salêñ wî da derdikeve, ev yek jî nîşan dide ku Cîgerxwîn çawa karke-rekî bê westan e di warê nivîskariyê da. Cîgerxwîn te vî hêlbestan, nivîsarên sîyasî û dîrokî jî dinivîse û di vî emrê xwe yî mezin da dimeşe, tevli civîn û meşînên sîyasî dibe, dipeyîve û agîrê şoreşgerî ges dike. Ew yek jî nîşan dide ku Cîgerxwîn iro jî wek xor-tekî bi hêvî ye, dilê wî ciwan e û ew di rîya rîzgarî ya Kurdistanê û azadîya gel da şer dike.

Eşkerê ye ku xweşikî û delaliya şîer, bi yekitîya raman û his û şikil pêk tê. Heke yek jî wan kêm be, an sunda bimîne, şîer jî nagihîje kemalê û dilê merîvan pê şad nabe. Şîera Cîgerxwîn, wêkî his û raman, bi alîyê şikil jî şîerek xurt û zor e. Ew bi reng û çinî-kêñ Kurdistanê xemilîne. Bi alîyê gotin, çîrok, metelok û mecaz dewlemend in û xweş-eheng in. Carê li "Konne Reş" binêrin: Seyda, qasî koçeran navê tişt û tore yêñ wan dizane û şîera xwe bi wan xemilândîye, ew kiriye cewahîrek giranbiha.

Cîgerxwîn di dirêjahîya emrê xwe da bo gel û wela-tê xwe bê westan xebitî û hîn jî dixebite. Ew ew-ladekî Kurdistanê yê hêja ye. Lê Kurdistan jî qedrê wî dizane û bi heyîna wî şâ dibe. Kurdistan, qedrê law û qîzêñ xwe yêñ camêr û canik ji bîr nake !

Şîrêñ Cîgerxwîn iro li çar alî Kurdistanê di bajar û gundan da, di kom û mezran da di dest mielli-nan û melan, di dest mezin û xort û zarôkan da né. Ranan û daxwazêñ wî bi vî awayî rû û can digrin, xurt dibin û di rîya azadîya gel da rolek mezin dîlîzin,

KEMAL BURKAY  
Îlon=1980

## PÊŞGOTINA MIN

Berî, ko ez dest bi pêşgotina xwe bikim, supasên xwe ji heval Kemal Burkay re pêşkêş dikim, ko pêşgotineke xwe ji dîwana minre danîye. Çawa, ko ez supasên xwe ji wan heval û mirovên ko ji bo çapkirina dîwana min re xwe êşandine û karkirine pêşkêşdikim. Weharen ge supasên xwe ji dewleta swêd re jî pêşkêş dikim, ko alîkarî ji bo çapkirina dîwana min bi minre kirine. Û ji hemî dilxwaz û alîkarên xwe re jî supasên xwe pêşkêş dikim.

Ez dixwazim divirde gotineke kurt û tevayî bibêjim ko hemî dîwan û ristên ristevan û nivîskarêñ kurd dereng û ne di çaxêñ xwede têne çapkirin. Ji lewra kêmîwes û bêhêz û havil dimenin. Lê tenê tiştek heye ko rûmet û hêz û doz û daxwazêñ wan dîwan û nivîsar ran diparêzî, ko ew jî eve, ko şoriş û kêferata gelê kurd her û her nayêñ rawestan. Û ji ber wilo jî, kenî bêne çapkirin, doz û daxwazêñ wan weke xwe dimenin û gewsek û bêhavil nabin.

Lê çima em nikarin zû bi zû nivişt û dîwanêñ xwe çapbikin û belavbikin ? Ev jî, ji ber ko çend dewletêñ şovînî û faşistî, welatê me dinav xwede perçekirine û heryek ji wan dixwazî me dinav xwe de bîpişêvî û windabikî. Tevlî, ko ew jî dizanin, ko nema dikarin kurd û zimanê kurdî dinav xwede winda bikin lê hêjî, dinav wan xewnexav û rewrewk û sawîran de dijin.

Stockholm 17/10/1980

CIGERXWÎN

## HAWAR HEWAR

Hawar hewar

Hawar hewar !

Van dijminan

Qada me xwar

Hawar dikim

Gernas û mîr

Kurdêñ di şer

De rengê şêr

Êrîş bikin

Tev wek piling

Ji nav xwe der

Xin wan bi c

Hawar hewar

Hawar hewar !

Van çûçikan

Genmê me xwar

Talan birin

Wan dexl û pez

Çepeç çirandin

Ketne rez

Hawar hewar  
Hawar hewar !  
Van dijminan  
Qada me xwar !

Hawar dikim,  
Ranabî kes  
Şêx û mela  
Û pîr û qes  
Bi xaç û xişt  
Û mizgevt û dêr  
Em xistine  
Tora neyêr.

Hawar hewar  
Hawar hewar !  
Van çûçikan  
Dexlê me xwar.

Sed camî û  
Dêr û kenişt  
Naqos û bang  
Û tîr û xişt  
Sed lek ji  
Tîpêñ Lemterew  
Bikêr me nayêñ  
Tev derew.

Hawar hewar  
Hawar hewar !  
Van dijminan  
Qada me xwar !

Bi dest tiving  
Em herne şer  
Bişkî neyar  
Em bidne ser

• Hawar hewar  
Hawar hewar !  
Van qumbilan  
Germê me xwar.

Serme, kurê  
Mîtan û Lor  
Qada me bigrîn  
Ew bi zor  
Navdare ko  
Gernase kurd  
Îro çiman  
Mayîn zîgurd. .

Hawar hewar  
Hawar hewar !  
Van dijminan  
Qada me xwar !

Hawar dikim  
Gund û eşîr  
Bajarî û  
Mîr û gîzîr  
Dijmin ne xur-  
Te herne wa  
Êrîş bikin  
Sêncê ewa

Hawar hewar  
Hawar hewar :  
Van dijminan  
Qada me xwar.

Dijmin bi zor  
Û serbilind  
Ji ber me girtin  
Şar û gund  
Ne nan heye  
Ne war, ne cî  
Namûs nema  
Apê Hecî

Hawar hewar  
Hawar hewar  
Van dijminan  
Qada me xwar.

Em tevde rabin  
Mil bi mil  
Êrîş bikin  
Dijmin ji dil  
Destan bi pakî  
Bidne hev  
Welatbihêlin  
Bo xwe tev.

Hawar hewar  
Hawar hewar !  
Van dijminan  
Qada me xwar.

Em tev bira  
Ol, ya xwedê  
Cotê xwe  
Bighê ser sedê  
Em bidne pêy  
Gernas û mîr  
Tev herne dijmin  
Rengê şêr.

Hawar hewar  
Hawar hewar !  
Van dijminan  
Qada me xwar.

Em pêkve wek  
Şêr û piling  
Li ser çiyan  
Em bidne deng  
Xweş bidne ser  
Pişte neyar  
Bişkî û bimrî  
Koledar !

Hawar hewar  
Hawar hewar !  
Van çûçikan  
Genmê me xwar.

Seyda cîger  
Tev bûye xwîn  
Dîsa li min  
Derbûn birîn  
Bişkî timî  
Sermeyadar  
Dilxweş bijîn  
Em peyadar.

Hawar hewar  
Hawar hewar !  
Van dijminan  
Qada me xwar.

## KÎ HİLGİRÎ VÎ BARÊ MİN

Qet nerm dikî dilê neyar  
Ev gazî û hawarê min ?  
Piştixûze, barê min giran .  
Kî hilgiri vî barê min ?

Her roj û her êvar û şev  
Hawar û nalîn têñ ji dev  
Guh nadine dengê me tev  
Heval û hem cînarê min

Kurdêñ nezan û rê nenas  
Jar û reben, birçî û xwas  
Petrol di bin de, bê kiras  
Nabêñî xweş vî karê min

Bi dest neyar top û tiveng  
Bi dar dixwazim herme ceng  
Hawar dikim, qêrîn û deng  
Şikestiye ev darê min

Gazî dikim kurdêñ xewar  
Rabin ji xew carek şiyar  
Hawîr li dijmin bidne dar  
Tev gundi û bajare min

Dijmin ku em derxin bi zor  
Avêñ çeman em bibne jor  
Zaz û Hekar û Bext û Lor  
Pir xweş bikin vî warê min

Avabikin xan û sera  
Em têde rûnin wek bûra  
Da xurt bikin zêr û pera  
Vî bingehê dîwarê min.

Rûnin li nav bax û çema  
Naz û ciwanik bêñ sema  
Hezar xwezî bi wan dema  
Pir xweş dibin êvarê min.

Şahî bikin em roj û şev  
Mâçan ji lêvan bidne hev  
Nû xweş dibî rewşa me tev  
Ciwan dibin damarê min

Da bel bibin beybûn û gul  
Carck nemênin kul di dil  
Gul bidme yarê mil bi mil  
Dil xweş bibî pê yarê min

Daxwaz çiye ji serxwebûn ?  
Petrol û hatin û hebûn  
Bi dest me bin hatin û çûn  
Pir xweş dibin bazarê min

Nû xweş dibin dax û birîn  
Serbest û serbilind dijîn  
Îdî ciger nabî bi xwîn  
Ta ko dijîm, yekcarê min.

## HÖVİTİYA DİJMIN

Piştî şerê Erarat

Bi ser kurd de bela hat

Zar û zêç û mér û jin

Ketin nav lepê dijmin

Dibên çil û heft hezar

Hemî reben, tev hejar

Ajotin Gelyê Zîlan

Hemî dane ber gulan

Lê serdaran çil keçik

Keç û bûkên pir xweşik

Pirê wan bûk û qîzin

Dako bi wan bilîzin

Lê xwe avêtin avê

Go: ev pîsî me navê

Stranek li ser çêbûye

Bi dilşewat lêbûye

Xemo ji bo me digot :

Dilê civatê disot.

Çav li serî sor dibûn

Na, ez şasim, kor dibûn.

Ronik ji wan dibûn rêz

Wî xem dikirin hembêz.

Xemo, welatperwer bû

Dîwana min jiber bû.

Li ku rûnişta, digot:  
Zû pertalê xwe difrot.  
Pertal welatperwerî  
Ne qumaş û ne hirî  
Herkes dixwest bibêni  
Bihna xwe pê derêni  
Xemo, bi xem, dilbirîn  
Ji dîwana Cigerxwîn  
Gelek ristik jiber bûn  
Bi axîn û keser bûn  
Ji kurdan re wî digot:  
Dil û hinav li wan sot.  
Mirovekî karker bû  
Şal û şapik diber bû  
Bi şar û kumê kolos  
Gelek diçû Alegos  
Vê paşiyê çû welat  
Lê nizanim ci pê hat ?  
Min pir li wî dipirsi  
Ne carekê, sed û sî  
Dibêjin hêjî saxe  
Bi xanî û qûnaxe  
Heta par jî hê xweş bû  
Li welêt bû, rûges bû  
Serpêhatî dirêje  
Weke rojî, nimêje

Li Dêrsim û li Sasûn  
Na, ez şaşım, hemî şûn  
Li Iraq û li Îran  
Ne kêmtil bûn ji tirkan  
Eve rewşa bindestî  
Çiman divên serbestî  
Ez çi bêjim hê kême,  
Bindest hemî wekê me.

Li her der têne kuştin  
Bê xwedî ne, bê piştin  
Şovînitî, zordarî  
Bicî tênin vî kari  
Imperyalin têr pere  
Wan daniye ji me re  
Ev destûra çewt û xwar.  
Paşê bûne koledar  
Heçî bindestê dijmin  
Neçare têne kuştin  
Divê destan bidin hev  
Xebat bikin roj û şev  
Dijmin ji ser xwe rakin  
Lê ji bona çi nakin ?  
Dijmin ji me zanetir  
Welat li me perçe kir  
Kurd nexwendî, perişan  
Dimrin ji bo-gezek nan.

Dewlemendê mal genî  
Dijmin bi wan dikenî.

Hin jî di hember pera  
Xwe difroşin wek kera  
Hin jî divêñ Kurdistan ;  
Lê ji wan re gulistan

Em li jêr û ew li jor  
Li me bikin zilm û zor  
Olperest û êlperest  
Navêñ kurd bibî serbest

Wan em perçê kirin xweş  
Riwê kurdêñ teres reş  
Arzan em dane dijmin  
Ev bû sed û sîh û hin

Bawer dikan misilman  
Hemî basın bi ûman  
Heçî mayî nebaşin  
Çığa jîr bin, li paşin

Roja qiyamet rabî ;  
Mirov li Şam cema bî  
Xwedê deyñî mêtzinê  
Mihemed navan bixwînê.

Dojeh ji bo qawira  
Bîhişt ji bo me, bira !

Misilman tev bira ne  
Ji hev re wek çira ne

Kîjan bibî padîşah  
Deynin serê wî kulah  
Gerdenxwar bin ji bo wî  
Tev li kar bin ji bo wî  
Milet çiye, ziman çî ?  
Bere tazî û birçî  
Ser deynin ber nigê wî  
Em têr bikin zikê wî  
Ji ber van mirovên dîn  
Seyda bûye Cigerxwîn !

## TİŞTÊN KESNEDÎ

Dema ko kurdêñ Sasûn  
Di hember tirk de rabûn  
    Ew gernasê ser çiya  
    Pirê wan bûn eşqiya  
Serê dijmin êşandin  
Qayîş pêre kişandin  
    Gelek ji tirkan kuştin  
    Kes li welêt nehiştin  
Dijmin leşkerê giran  
Bi xurtî şande ser wan  
    Kurd naçare şikestin  
    Heta îro bindestin.  
Dijmin kete nav welêt  
Kirin ci tiştên kirêt  
    Jin û zarok dikuştin  
    Xanîk ava nehiştin  
Talan kirin bê jimar  
Kurdêñ reben man hejar  
    Dibin destê wan de man  
    Hey hawar û hey eman !  
Heft mirovêñ malmezin  
Kuştin wek berx û bizin  
    Qerwanake çar çembil  
    Kuçik li bin sed û çil

Li ser êgir, tijî av  
Êw dijminê bê zirav  
Yek, yek xistin nav avê  
Heta çermê xwe bavê  
Her heft bi wê ava germ  
Suhtin heta nema çerm  
- Ey peyrewê Hilako !  
Wilo dikan heta ko  
Bi hesanî bibin tirk  
Bi tov tavên, nebî firk  
Heta kengî berberî  
Ev kar qet naçî seri.  
Wê hey roja mejî bê  
Roja kur guh nedî dê  
Lê emî ne wek we hovin  
Ji we bêtir mirovin  
Dadgahekê dê çêkin  
Navê millet dê lê kin  
Ji tirk û kurdên bircî  
Evêن dibin *dewrimci*  
Çend mirovên pir zana  
Wê bixwênin tim vana  
Emê we bispêrin wan  
Bela ew bikin ferman

Ewê ji we bipirsin :  
Ka we çawa kurd kuştin ?  
Çavnêrê we ye sêdar  
· Dimrin weke gurên har  
Dêma win bikin qêrîn  
Xemgîn dibî Cigerxwîn.

## EZ NİZANİM ÇI BÊJİM

Heval, ez bilûrvanım  
Dengê saza hozanim  
Ji we ez dilgiranım  
Ez nizanim çi bêjim

Ez bilûra Marksım  
Dengê rista bêkesim  
Ji hêvîyan avisim  
Ez nizanim çi bêjim

Ez daxwaza Xanî me  
Rewşa neqşê Manî me  
Di ristê de kanî me  
Ez nizanim çi bêjim

Arê dilê Cizîrî  
Tava tora Herîrî  
Ez nûjenim bi pîrî  
Ez nizanim çi bêjim

Nakin dengê saza min  
Guh nadin awaza min  
Yan nizanin raza min  
Ez nizanim çi bêjim

Ez Mûsayê Hesarim  
Ji we tevan dilsarim  
Lê ez bi we nikarim  
Ez nizanim çi bêjim

Çiman hemî nabin yek  
Leşker nakin lek bi lek  
Kanîn ew bircên belek  
Ez nizanim çi bêjim

Hirç ketine nava rez  
Gur ji hawîr têne pez  
Ji xew rabin em bi lez  
Ez nizanim çi bêjim

Çine ev êl û eşîr ?  
Ne beg maye nejî mîr  
Ji dijmin re bûn gizîr  
Ez nizanim çi bêjim

Şêxên bi cibe û şas  
Xwe ji olê dane paş  
Hemî bûne gornebaş  
Ez nizanim çi bêjim

Ey xortê ko ji nû tê !  
Êko dinav zikê dê  
Yan jî di pişta bavê  
Ez nizanim çi bêjim

Ji bo we ez vê sazê  
Xweş lê didim bi gazê  
Bi daxwaz û nîyazê  
Ez nizanim çi bêjim

Ev daxwaza me pir kûr  
Mûsa, min ew bire Tûr  
Îsa, min ew kire nûr  
Ez nizanim çi bêjim

Ez milctim, ez mirov  
Sedê bîsta neman hov  
Direşenim bo we tov  
Ez nizanim çi bêjim

Ji bo we min gelek hişt  
Hîn dîwan û hin nivişt  
Gol ji avê bûye mişt  
Ez nizanim çi bêjim

Sivik çû bihara min  
Zer bûn pelê dara min  
Dûr dûr diçî yara min  
Ez nizanim çi bêjim

Serî sipî, bûye pûş  
Per şikestî Qereqûş  
Ez dinalim li Merûş  
Ez nizanim çi bêjim

Perçe bûne lek bi lek  
Hemî bazên qerbelek  
Kengî karin bibin yek ?  
Ez nizanim çi bêjim

Dipeyivin pir qelew  
Ji dijmin re çêlekew  
Çawan serî dixin xew  
Ez nizanim çi bêjim

Heta dil ranewestî  
Ez nabêjim bi sistî  
Kêr gihaye ser hestî  
Ez nizanim çi bêjim

Xwendewarêñ kurêñ kurd  
Em li qada xwe zigurd  
Besin kul û xem û derd  
Ez nizanim çi bêjim

Hemî destan bidin hev  
Xebat bikin roj û şev  
Ji dil dibêm, ne bes dev  
Ez nizanim çi bêjim

Weke hevin ev û ew  
Win guh medin tev ãerew  
Milet şiyar bû ji xew  
Ez nizanim ji bêjim

Milet tenê dikarî  
Xweş hilgirî vî barî  
Ristê bikî hevparî  
Ez nizanim çi bêjim

Win dixwênin ji bo çî ?  
Ma nabônin li her cî,  
Cihan ber bi pêş diçî ?  
Ez nizanim çi bêjim

Dijmin li her cî û şop  
Xwedî tang û xwedî top  
Li me dikin qope-qop  
Ez nizanim çi bêjim

Nabênin dijminên xwe  
Her tişt birin ji bo xwe  
Li min sor bû kiloxe  
Ez nizanim çi bêjim

Dibin destan hezar sal  
Dane dijmin qad û mal  
Berdin şopa bav û kal !  
Ez nizanim çi bêjim

Bav û kalên me nezan  
Pez berdane bê şivan  
Xanî bûbû bilûrvan !  
Ez nizanim çi bêjim

Ne ez xanim, ne Xanî  
Ne Zerdeş, ne Manî  
Li xwe kir bargiranî  
Ez nizanim çi bêjim

Ne gernasim, ne egîd  
Ez Şêxmûsim, bê mirîd  
Lê dilewkim wek berîd  
Ez nizanim çi bêjim

Di ristê de çi merdim  
Dil bi kul û bi derdim  
Xwîna şehîdên kurdim  
Ez nizanim çi bêjim

Ronikên xuşk û diya  
Ez axîna sêwîya  
Ez gazinêن jînbîya  
Ez nizanim çi bêjim

Ez hêvîyêن girtiyan  
Jana dilêن birçîyan  
Serma laşêن bêcîyan  
Ez nizanim çi bêjim

Ez dixana napalim  
Xwîna sînga delalim  
Hawarim, nalenalim  
Ez nizanim çi bêjim

Ez dengê wan hejaran  
Ketim şax û zinaran  
Ez ew benê sêdaran  
Ez nizanim çi bêjim

Heq bi zore di jînê  
Ez dilbijê evînê  
Çi tê ji vê girînê ?  
Ez nizanim çi bêjim

Keko, ez Cigerxwînim  
Dil bi kul û birînim  
Van *ayetan* dixwînim  
Ez nizanim çi bêjim.

## ÇI Jİ MER DİVÊ

Kurd perçe bûye wek Bedew  
Lê şivanek ji mer divê  
Ji bo ko zû rabin ji xew  
Bilûrvanek ji mer divê

Nayên jimartin, ker kerî  
Bindest û jar û bê serî  
Ji bo ko rabbit berberî  
Çi, rêzanek ji mer divê ?

Ji bo ko em tev bibne yek  
Destan bidin hev em bi çek  
Zû bêne meydan, lek bi lek  
Qaremanek ji mer divê.

Roja bibî qîr û hewar  
Êrîş bikin sêncâ neyar.  
Rengê birûskan bêne xwar  
Çi şervanek ji mer divê ?

Destûr divê, qanûn û rist  
Ji nav me rabin: *kurt* û *pist*  
Kesek nemêni xwar û sist  
Pozberanek ji mer divê.

Ji bo ko em bighêne hev  
Xebat bikin em roj û şev  
Kurd bin bi dil û can û dev  
Merzibanek ji mer divê.

Ji bo ko em zû herne pêş  
Bi tîp û tang û top û gêş  
Qana xwe bigrin em li êş  
Wehozanek ji mer divê.

Ji bo bibin xwedî welat  
Zû deng bidin di Rojhilat  
Bibin xwedî tîp û civat  
Çi rêzanek ji mer divê ?

Divê xebat bikin bi rik  
Ziman û dest û pişt û zik  
Hawîr bilîzin em sivik  
Pehlewanek ji mer divê.

Ji bo nemênin êl û ber  
Divê bi hevre herne şer  
Bişkê neyar, em bidne ser  
Erdewanek ji mer divê.

Çi Lor û Gor û Zaz û Bext ?  
Bê padîşah û tac û text  
Bûke welat, xwîna me next  
Nijdevanek ji mer divê.

Ew kurdê gernas û nebez  
Îro diki bimrî bi lez  
Bê av û nan û dar û pez  
Xwînrijanek ji mer divê.

Seyda, çine qîr û hewar ?  
Çil sal dibê, nabin şiyar  
Pişt xûz û binbarê neyar  
Ristevanek ji mer divê.

Bê mal û rûmet, dil birîn  
Her dem bi ah û nal û şîn  
Cerg û hinav tev kirne xwîn  
Hirmezanek ji mer divê.

## BI SER ÇİYAN KETİM

Heval megrî çiya herdem  
Cihê xwesmêr û şêra ye  
Dîwarê serxwebûna kurd  
Ji laşê xurtemêra ye  
Serefrazî bilinde, lê ;  
Bi xwîn û kotek û zore  
Bijêrdeçûne bindestî  
Berê kurdan li bêjore  
Tenê serbestî eywane  
Bilind û berze bala ye  
Tenê şûna serê min, te  
Di jorê wê de vala ye  
Di kortan de eger razî  
'Tu dê xewnen xerab bînî  
Kirasê tirs û sawîran  
Li xo kî tim tu xemgînî  
Ji doza xwe venabin em  
Dixwazin ta wekû saxin  
Gelek şermê ku em saxin  
Û dijmin hê dinav baxin

## REWŞA WELÊT

Şoriş destpêkir qêrîn û gurmîn  
Gulebarandin, li hawîr xurmîn  
Dijmin hilweşand tev gund û bajar  
Zar û zêçên me, jar û berdîwar  
Li jor balafir, li jêr tang û top  
Ji xwînê sor bûn hemî şûn û şop  
Welat bicarek dane ber şewat  
Millet perişan, bê kar bê xebat  
Birçî û tazî, hemî perişan  
Bê mal û bê cî, ne xew ne razan  
Êrîş tênin me ew gurên devlok  
Derketin çolan hemî pîrhevok  
Ji ber firokan hawar û gazî  
Jar û birçîne, pêxwaz û tazî  
Tev tirs û sawîr, dîn û sergever  
Geli dagirtin axîn û keser  
Diber lingan çûn jin û keç û bûk  
Li ser lep diçin zarok û biçûk  
Ser û dest û pê, sor bûne ji xwîn  
Cigerxwîn bigri, bigri dilbirîn !

## SETEMKARIYA DİJMIN

Kemal danîn çend qanûn  
Kincê kurmancî rabûn  
    Heçî pêre bikî rik  
    Wê singiwan bixin zik.  
  
Nema kum dan serê xwe  
Li xwe nakin kesexe  
    Derpê, kirâs, winda bûn  
    Ferman li tevan rabûn  
  
Te yek ji van wergirta  
Wê çawîş zû bigirta  
    Li te bida bi daran  
    Bixista nav dewaran  
  
Pêncî kaxet cirmê wî  
Diçirandin kumê wî  
    Şeref dihat ji wê de  
    Yek jî pêre di rê de  
  
Dêma ko dîtin çawîş  
Dîn ko nexwes dibî iş  
    Kum avêt û çûne cem  
    Bi ser wan de lomelem  
  
Ev çi kume li ser rê ye ?  
Ka bibôjin ô kê ye ?  
    Şerefo, kum ê te ye.  
Coza li ser te heye.

Go: na, ne kumê mine  
Kum ê hevalê mine  
Kum ji hevdî perçe kir  
Destê wî kelemçê kir  
Bi qamçıya danî lê  
Bêje: ka ev kumê kê ?  
Çend dar pêre kişandin  
Pênc kaxet jê sitandin  
Li nav xelkê bû çîrok  
Di govendê bû dîrok :  
*Ev kum ne kumê mine*  
*Kumê hevalê mine*  
*Şeref were kumê xwe...*

Kete rêza dîroka  
Kete devê zaroka  
Li ber dikin dîlanê  
Kî daxwazê dizanê ?  
Ew gundiyên hirç û hov  
Bi zor me kirne mirov  
Ji ber ko dijmin xurtin  
Kincê me dan guhertin  
Navê malbat û gundan  
Bi kurmancî xeberdan  
Hemî kirin nadirist  
Heyran û lawîk û rist

Tev danîne bi tirkî  
Weke avê tu firkî  
Kesi dengê xwe nekir  
Niha bûne wek şekir  
Heta ȝihan vî warî  
Me pir xwarin dijwarî  
Gelek ketin ser çiya  
Tirk dibêjin: *Eşqîya*  
Pirê wan hatin kuştin  
Tiştek li şûn xwe hiştin :  
Navê kurd û Kurdistan  
Îro dikim dibistan.  
Çi dirist û nadirist,  
Vaye ez wan dikim rist  
Çiqas ez bê mirêsim  
Ez wan sivik dirêsim  
Tirkan dixwest me winda  
Bikî, li şar û gunda  
Da bicarek bibin tirk  
Ne qapût û nejî kurk  
-Winda nabin em bi dar  
Ey peyrcê koledar !  
Em bindestin, serbilind  
Çi li şar û çi li qund.  
Em nayêne pişavtin  
Roj nayête vesartin

Xwedî tarîx, bi ziman  
Bi nivişt û bi dîwan

Hawîr dîkin kîferat  
Geh kuştin û geh civat

Hin jî li ser çiya ne  
Lê em ne eşqîya ne !

Xwedî doz û bi daxwaz  
Nabin kolê borcewaz

Em dixwazin nûjenî  
Îdî navêñ ezbenî

Em her weha bindest bin  
Divêñ bijîn, serbest bin

Bibin bira, tev mirov  
Ne xwînmij û nejî hov

Bi dilşadî tev bijîn  
Kes nemêñi Cigerxwîn !

## ZOR Ü ÇAVSORÎYA DÎJMÎN

Piştî şerê Şêx Seîd  
Paşde revîn tev mirîd  
Xwe dan serê diyaran  
Diçûn şerê neyaran  
Dijmin tev bû ar û pêt  
Bi zor kete nav welêt  
Li xwe nerî serbilind  
Agir berdan şar û gund  
Serdarekî pir xwînxwar  
Mêrkujekî dîn û har  
Nivîsiye ev çîrok  
Li ser adrêsa Zarok  
Dinivîsî, dibêjî :  
Ahan pêre dirêjî  
Min agir berda xanî  
Ji hovîti, nezanî.  
Min dî zarokek pepûk  
Perîşan û pir biçûk.  
Ji nav agir direvî  
Divê ko zû dérkevî  
Lê çawa çav li min kir,  
Xwe avête nav agir  
Nû min zanî binbarim  
Ez mîrkujim, xwînxwarim.

·Ez bûme wek cinawir  
Dijwartirim ji agir  
Zarok ji min ditirsin  
Qet li agir napirsin  
Navê ko min bibêni  
Xwe tavêji nav xêni  
Lê ez çibkim, ci bêjim ?  
Tenê ziman dirêjim.  
Ne mirîd û ne eşîr  
Ne paşa me, nejî mîr  
Li her cî kurd weha ye  
Bê rûmet û biha ye  
Têne kuştin hûr û gir  
Ci tîving û ci agir  
Em ne xercê şerkirin  
Para me ye tim mirin  
Merin yeke, weke hev ;  
Ci bi êrîş, ci bi rev.  
Lê mirina bi rûmet  
... Ji bo ko bibin milet  
Mêrê başe ser bi kuj  
Li ser çiyan dibî mij  
Ji kuştinê metirsin !  
Li şewatê mepirsin !  
Weke şêran herin pêş  
Weke hevin şer û êş

Hey dê, rojekê bimrin  
Ev ci tirs û ci *fikirin* ?  
Ji bo bibin serbilindâ  
Divê bigrin şar û gund  
Wekî şêran herin şer  
Dijmin bişkî, bidin ser  
Welat bi zor bixin dest  
Lê win mebin êlperest !  
Çêkin ji bo xwe destûr  
Ji bo sal û demên dûr  
Zor bidin dezgevanî  
Da nemêni xezanî.  
Nû xwe bikin bi milet  
Çêkin ji bo xwe dewlet.  
Herin rêza miletan  
Xwe bighênin dêwletan  
Leşker em saz bikin lek  
Têr pere û hemî çek  
Pê biparêzin sînor  
Çi ê jêr û ci ê jor  
Bibin bi dost û heval  
Xwedî zêr û xwedî mal  
Destûr bibî dîmuqrat  
Dîmuqrata Rojhilat  
Qad û xwendin tevayî  
Wekhevî û birayî .

Serbest bibin mîr û jîn  
Ne sawîr û nejî cin  
    Ne keşe û ne mela  
    Li me çênekin gela  
Ne mîzgevt û nejî dêr  
Çibkim ji vî xaçê zêr ?  
    Tev bi hev re bikin kar  
    Hemî bibin xwedî par  
Ne zordestî, nejî dîn  
Seyda nabî Cigerxwîn.

## DÛVÊ NAV ÇIRAVÊ

Kerek mirî li ber avê  
Mizgîn kete wê navê  
Teba, li ser bûne kom  
Weke Firs û weke Rom  
Şêr bakire gurê har  
Rabe li me bike par  
Gurê reben, dîmuqrat  
Li hev xistin hemî qat  
Goştê sor û çermelaq  
Şêr di zik de faqe-faq  
Li wan tevan parvekir  
Şêr Bakirê: were vir !  
Gur nêzîkî li wî kir  
Lepék avêt serê gur  
Ji paşve çû nav avê  
Terî ket nav çiravê  
Perçiqandin ser û dev  
Dev û diran man ji hev  
Ji nûve gote rovî :  
Seydayê hov û kovî !  
Rabe li me par bike  
Lê bi rastî kar bike  
Ew roviyê Mirdêsî  
Terî li pey bû rêsî

Ji nû ew perçe danhev  
Geh bi lep û geh bi dêv  
Heçî têde hebû xêr  
Danî li ber ãevê şêr  
Para şêr tevde bû nerm  
Man hestî û dûv û çerm  
Ew li tevan belav kir  
Tenê dilê şêr şa kir  
Şêr bakirê: Ezbenî,  
Ji ku hîn bû vî fenî ?  
Go: ji gurê nav avê  
Ji dûvê nav çiravê  
Felsefa xanedana  
Dane destê nezana  
Divê bikin xebatê  
Tevger û kêferatê  
Ristê bikin wekhevi  
Zorker ji ber birevi  
Em tev bibin weke hev  
Herkes bibî xwedî dev  
Bixin destê xwe dewlet  
Şêrê mezin bî milet  
Hemî bibin xwedî kar  
Bidin destê pala dar  
Pîroz bibî zanebûn  
Ji bo çiye serxwebûn ?

Şêrê mezin bî, serdar  
Lê tev bibin xwedî par  
Her yek li gor karêن xwe  
Ew bistêni parêن xwe  
Heçî şêr bî di xebat  
Ew bistênin duqat  
Axa û beg ne şêrin  
Nema karin veşêrin  
Milet hemî bûn şiyar  
Ne wek par û ne pêrar  
Şêrê bê kar û xebat  
Naxin devê wî duqat  
Heçî bikêr milet bê  
Emê jêre bêن: libê  
Wî bidin pêşîya xwe  
Weke bav û dîya xwe  
Ji bo me bibî rêber  
Çi di kar û ci di şer  
Ne wek van kerdiza bî  
Li ber dijmin weza bî  
Di nav kar de weke şêr  
Di şeran de erdeşêr  
Hem bi roj û hem bi şev  
Tev kar bikin weke hev  
Kar ji bona teva bî  
Bi biratî leva bî

Zor û setem, me navê  
Nakevne nav çiravê  
    Ne ew rovî, ne ew şêr  
    Hemî bixun xêr û bêr.

Şêrên wesa naxwazîn  
Ne gili û ne gazin  
    Milet hemî bibî şêr  
    Nebî, jor û nebî jêr  
Bê tizbî û def û xişt  
Welêt bikin wek bihişt  
    Ne bindestî, nejî zor  
    Bere bimrî qata jor  
Tev de em bibin yek qat  
Destûr bibî dîmuqrat  
    Pale bibin xwedî kar  
    Zevî bidin dest çotar  
Sedê bîstem naxwazî  
Em bibne borcewazî  
    Doza me ye serxwebûn  
    Lê dixwazîn pêşveçûn  
Ew dûvê nav çiravê  
Di îro de, me navê  
    Divê ko tev jin û mîr  
    Di nav kar de bibin şêr

Şevan bikin ronahî  
Bi dilxwesi, bi şahî  
Pir xwedî kin ga û pez  
Li her derî bikin rez  
Tirêñ herî her derî  
Bere bimrin serserî !  
Bilind bikin heçî baş  
Lê em kesî nedin paş  
Milet tev bibin bira  
Xwendin bibî wek çira  
Ko em dijmin bikin der  
Îdî em naxwazin şer  
Em dixwazin pêşveçûn  
Da kes nebi Cigerxûn

## KURDISTAN

Bilinde bejn û bala te  
Li ser taca te ezmane  
Kitanek reng sipî daye  
Serê zozan û Sîpane  
Li jorê kanî û cobar  
Wekû hêstir dibarin xweş  
Li jêrê te dibênim ez  
Bihişt û bax û bistane  
Kirasek etlesîn keske  
Bi rengê roje nexşîne  
Li bejna te dibênim xweş  
Bi surme şal û mîtane  
Çi reng şêrîne yara min  
Şepal û nazik û şoxe  
Ferat û Dicle û Xabûr  
Bi ser bejnê de berdane  
Ji xwîna min tu lêv sorî  
Ji bîna min gula corî  
Tenê min bazine zendênen  
Te zencîrin di linga ne  
Evîna te kirim şeyda  
Birîndar û perişanîm  
Ji wan lêvîn şîrîn maçek  
Ji derdê dil re dermane

Birîndarîm bi topêن  
Awirêن çavêن belek îro  
Were dilber ku destêن te  
Ji êşa min re Luqmane  
Bi pîrî ez dixwazim ko  
Bibim zava tu çidbêjî  
Ne xewne ko dibêjim ez  
Ne sawîr û ne gomane  
Tu nabêni di govenda  
Me da her kes diçî û tê  
Li hawîr şahî û cejne  
Sema û ger û dîla ne  
Qelen xwîna mine çibkim ?  
Divê ko ez bidim carek  
Meger can û ciger deynim  
Di vê rê de, çi erzane  
Çi zanin rûmeta vê şeng,  
Û şoxê begler û paşa ?  
Bi qurbana tebin cana,  
Ilezar mîr û beg û xana  
Ezim ku te ji destê  
Dijminanderxim bi mîranî  
Li ser sînga te serbest bim  
Biparêzim te merda ne  
Meger dûr û roşê rôçik  
Li hawîr dijminen xwînrêj

Meke bawer bi tirsim ez  
Ji sehpa û ji zindane  
Serî min daniye vê rê  
Divêm bighême armancê  
Mebêje ko: gelek fersend  
Ji destêن xo we berdane  
Dixwazim tirs û sawîr û  
Fen û xapan ji xwe dûrxim  
Bizane ev qerêja kurd,  
Ne ya çend mah û sala ne  
Heçî çûyî mede pey wî  
Ji min gazin meke nazik  
Metirse hê ji bona me  
Demêن xurt û mezin mane  
Hezar salin mijî bûye  
Qerêj hê nû ji xew rabûn  
Dixwazin wî bişon carek  
Me rêber pîre-rêzane  
Çeka min zor û zanîne  
Bi bîr û bawer û daxwaz  
Bi tûjawir dinêrim ez  
Li kevneşar û eywane  
Siwêsra Rojhilatî xweş  
Bi şîranî û nazdarî  
Ji cobareñ te ev hindam  
Bicarek têne avdane

Mebêje: paşdemayin kurd  
Kurên Kesra serî hildan  
Li ser şax û çiyan lawan  
Derefşa Kawe hilda ne

## EM ŞER NAXWAZİN LÊ EW TÊ BER DERÊ ME

Rojek ji xew şiyar bûn  
Ez li hespê siwar bûm  
    Çûme heta ber çiya  
    Hesp siparte 'gundîya  
Peya pêde berjor bûm  
Heta serî pêde çûm  
    Di ber min de qelem zêr  
    Ziman tûje weke kêr  
Lê nizanim çiye şer,  
Hev dikujin ev beşer ?  
    Bê şeşar û bê tiving  
    Ne xencer û ne kuling  
Rûniştîne ser latê  
Pel dixişin, ku ba tê  
    Min ber daye ezmana  
    Ez ketime gomana  
Ev çiyayên pir bilind  
Kê rakirne wilo rind ?  
    Çine ev newalên kûr ?  
    Kîne ev hov û tilûr ?  
Çidkin di nav vê jînê ?  
Çi nasdikin bi dînê ?  
    Di gomanan de çûm dûr  
    Heta giham cihêñ kûr

Dengek hate guhê min  
Dengê mêsê, vine-vin  
Min dî zermêşa hingiv  
Hawîr dikî give-giv  
Çavê xwe min berda rê  
Min dî kalek pêde tê  
Reşkalekî hêjayî  
Di rextan de pêçayî  
Pêre cewdikê avê  
Lê ne daye ber tavê  
Pî bi kalik, ser bi kum  
Go: *selamun eleykum*  
Min go: *eleyke selam*  
Were rûne ez xulam !  
Go: ez nikarim rûnim  
Niha ez bê *mikûnim*  
Min go: kalê, wilo zû  
Vê sipîdê diçî kû ?  
Go: şorişe, diçim şer  
Ne wek te taxim diber !  
Xortek bûye birîndar  
Min hiştiye li pesar  
Bi lûb-lûb û bî lav-lav  
Ji min divêt tasck av  
Min aniyê ev cewdik  
Ezê bidmê lê hindik

Rabe were bibêne  
Tevlî te em sisê ne.  
  
Eger xwedênekî, mir ;  
Tu tivinga wî hilgir  
Bi dijmin re bikin şer  
Geh êrîş û geh veger  
Dilê min bû weke ar  
Ez rabûm daketim xwar  
Kete rê û mi da pey  
Dikî qîr û heye-hey...  
  
Metirse vame hatim  
Weke birc û kelatim  
Min dî xortek birîndar  
Bi zikxişkê weke mar  
Ji ber me ew direvî  
Navê diber me kevî  
Ji wî weye em dijmin  
Em hatine bikujin  
Çawa dengê kalê kir  
Ling bi jêr de dirêj kir  
Me zû xwe gihande cem  
Xwîn li hawîr bûye çem  
Gula sîngê gelek sor  
Me ew rakir bire jor  
Hawîr me kirin çeper  
Paşê rûniştin li ber

Şal û şapên wî vekir  
Birîn ji nû derman kir  
Hingî kire lave-lav  
Me zû dayê hinek av

Çawa ava xwe vexwar  
Çav li seri çûne xwar  
Gelek nema, pir neçû ;  
Dîsa çavê wî vebû

Birîn çawa ye dektor ?  
- Ne dektorim, lê pispor  
Hati li çi digerî ?  
Divê berxa bikirî ?

- Na, pisporê mîra me  
Nêçîrvanê şîra me  
Divêm bêjîm ji tere !  
Ev çi cenge, çi şere ?

Dîsa çavên xwe danhev  
İdî hew digerî dev  
Min go: hey wax ! wele mir  
Dilê min tev bû agir

Hinek ava germ û şor  
Di çavan de bû kilor

Berjêr dibû zo bi zo  
Min di dilê xwe de go:  
Çiman hat û çiman çû ?  
Lê kî zanî diçî kû ?  
Dîsa çavê xwe vekir  
Çend gotinên wek şekir :  
Ey seydayê qelem zer !  
Rast, nizanî çiye şer  
Bawer nakim ez benî,  
Belkî bi min dikenî !  
Şer destkera maledar  
Dawer jêre koledar  
Tenê cotar û karker  
Dibin êzing ji bo şer  
Rûdinin ber masa xwe  
Zêran dixin qasa xwe  
Em têr kuştin weke şêr  
Lê ew dîbin xwedî zêr.  
Ji berko em nezanin  
Vê daxwazê nizanin  
Em li jêr û ew li jor  
Têne ser me xem û zor  
Ziyan bo me, kar bo wan  
Ew paşa û em şivan.  
Şer tevde berdîberdan  
Hemî şewat û talan

Tijî malewêranî  
Birçîbûn û xezanî  
Lê dijminên me yê hov  
Bawer nakin wek mirov  
Li taran û Anqera  
Me nabênin wek bira.  
  
Ne li Bexda, ne li Şam ;  
Em nabêjin cîm û lam  
Ger çi bi hev nexweşin  
Tev ji mère zikreşin  
Divêñ ko me bihêrin  
Dinav xwe de veşêrin  
Ê wan 99 hirik  
Ê me, yeke qûn virik  
Wê jî dibin ji bo xwe  
Li me sor bû kiloxe  
Kengî mafê xwe bivêñ  
Ew dikujin tim şivêñ  
Dema dibêjin wana  
Me rêdikin zindana  
Heta dibin bêmefer  
Nû digel wan dikiş şer  
Zanin ko şer ne başe  
Heçî şerxwaze, şâse  
Lê ev zor û ev setem  
Tazi û turk û ecem

Li me bikin· heta key ?  
Li ser me bin Şah û key  
Em jî wekî wan mirov  
Ne xwînxwerin, nejî hov  
Nema divêñ bindestî  
Em dixwazin serbestî  
Welat nadin me bê ser  
Em jî ãimrin der bi der  
Meger tev bêne kuştin  
Welat nadin dest dijmin  
Em birane misilman  
Lê dijminê me nezan  
Şovînên kevneperek  
Weke Nazî û faşist  
Tev xwînxwer û hirç û hov  
Têne şerê me bi tov  
Balafir û tang û top  
Hawîr dikin qope-qop  
Carna paşde direvin  
Carna pey wan dikevin  
Belengazin tev zigurd  
Eger bimrim, bijî kurd !  
Doma solo wilo got  
Dil û hinav li min sot  
Agir berda dilê min  
Kirin kêşî kulê min

Reş û tarî bû zevî  
Îdî ziman hew livî  
Gorna wî me kir şikêr  
Paçek xiste serê dêr  
Lê nivîsî bi destan  
Canbêzarê Kurdistan  
Min rahijte tivingê  
Da ko em herne cengê  
Kalo bala xwe da min  
Go: ger dikî biya min ?  
Here rûne serayê  
Tu bi kêrî şer nayê  
Kalo, kalê pir şepal  
Bi şev ez anîmc mal  
Dil bi xem û kul û şîn  
Ji dil bûme Cigerxwîn.

## TA NEŞEWİTİN RONİ NADÎ WELÊT

Şevehke rûreş hewrên pir tarî  
Li ser hev diçin banî û xwari  
    Bahoz û dûman, tev mij û moran  
    Pêl bi pêl diçin xwîn jê dibarî  
Li jor me dijmin, gulebarandin  
Li jêr xwebxwetî, her dem neyari  
    Ta kengî, dîlî, jarî, bindestî,  
    Ta kengî qelsî, mestî, bindarî ?  
Kaniyêñ petrol me dane dijmin  
Çekêñ qelsane: gazin û zarî  
    Şerme zariwêñ guhderz û dara !  
    Dijmin ji ber me bigrin vî warî  
Zenda vernalin, bikevin Zagros  
Êrişî dijmin bikin bi harî  
    Em şêrêñ çiya, piling û ejder  
    Zaz û bext û lor, sor û hekarî  
Rabin bibin yek, destan bidin hev  
Ji bo me divêt tenê hisiyarî  
    Şazde milyon kurd gernas û mîrxas  
    Dane serê xwe ev reşe-çarî  
Ta kengî dijîn perçe, perçe kurd ?  
Ma kî dixwazî vî iş û karî ?  
    Raste bindestî karê qelsa ye  
    Ji ser xwe rakin wê em neçarî

Bere du milyon kurd bêne kuştin  
Da wîlat derxin ji bin vî barî  
    Ên ko bixwazin neyên pişavtin  
    Divê bibênin reşî, dijwarî  
Weke gernasan serên xwe hildin  
Hemî bibin yek: gundi, bajari  
    Navêن eşîran ji ser xwe rakin  
    Xwe bighênin hev, perçe û parî  
Bibin yek milet, yek ziman û dil  
Dijmin naçî der bi mihredarî  
    Ger neyên sotin ez û tu û em  
    Ronî nadî ser wîlat tû carî  
Xwîne me agir gurgesdîkî  
Gernasın jêre gaz û bettarî  
    Bi xwînê şîn tê dara serbestî  
    Dijmin naçî der bi ah û zarî  
Divê bi xurtî em wî derênin  
Nîv milyon leşker kurdêñ bijari  
    Derkevin meydan tîp û tang û top  
    Dasînî, torî, bextî, berwari  
Êko bê kuştin cihê wî bihişt  
Dîwana seyda jêre diyarı  
    Cigerxwîn bimrî neghê doza xwe  
    Gorî serê we pîrê Hesarı

## WELATPERESTÎ

Payebilindî  
Welatperestî  
Çekêñ qelsane  
Jarî û mestî  
Zana û jîrim  
Bindestê dijmin  
Çiqas dijware  
Evreng bindestî  
Destan vemalin  
Dakevin meydan  
Eger dixwazin  
Bigrin serbestî  
Ey gernasên kurd  
Rabin weke şêr  
Ji xwe bavêjin  
Xwarî û sistî  
Weke erdeşêr  
Bijîn serbilind  
Cenga azadî  
Nabî rawestî  
Xebat ji bo me  
Divêt bi xurtî  
Dilpak û zana  
Gelek bi ristî

Welat xweş bûke  
Xwîna me qelen  
Naxî ber sîngê  
Bûkê nexwestî  
Metirse ko kurd  
Pir paşde maye  
Kesi nedî goşt  
Bê çermî û hestî  
Qûnax bi qûnax  
Diçî ser çiyê  
Raste di vê rê  
Gelek diwestî  
Welat ta kengî  
Wilo perçe bî ?  
Em tev di nav de  
Jar û şikestî  
Cigerxwîn iro  
Gel pir şiyare  
Bese metirse  
Kêr gîha hestî !

## HİZAM ZENNAR

Ev zennara Erebî  
Ko li Cizîrê dibî  
    Ne pişteke çarta ye  
    Ne benekî bâda ye  
Zencîreke ji hasin.  
Ew tavêjin milê min  
    Da min ji qurm verakin  
    Qada min jî leva kin  
Kurd nemênin li welêt  
*Hizam* çiqas li me têt  
    Ereb anîn gundê min  
    Min dijmêrin ji dijmün  
Pêk anîne sal bi sal :  
Li Kerkûk û li Şengal  
    Basêñ Bexdad, basêñ Şam  
    Anîn meydan ev hizam  
Da petrola min bixwin  
Bere dijmin biruxwin  
    Em sed hezar bê mikûs  
    Li Cizîrê bê nifûs  
Yek jî dengê xwe nakî  
Heta newêrî bakî  
    Ji birçîna têñ Bêrût  
    Hemî birçî û pêrût

Dixwazin bibne karker  
Lê heq ji kar nayên der  
Nakin qêrîn û hawar :  
Dijmin qada me tev xwar !

Ev Erebêñ şovînî  
Kurdan milet nabêñî  
Dibêjin em hevparin  
Dijminê koleðarin (!)

Lê ew bixwe koledar  
Li me pêçan ev zinar  
Divêñ me bikin Ereb  
Bimrin bê sûc û sebeb

Gelo eve wekhevî (!)  
Wey sed qeda pê kevî !

Ne hevparîye , zore  
Tenê dinya bi dore  
Roja me jî demek tê  
Em guh nadin vê xetê  
Em ne gelek nezanin  
Em sînorêñ xwe zanin

Welatê me Kurdistan  
Wer namêñî kolistan  
Çav bi çav û dest bi dest  
Çendan me ev ne dixwest

Lê dijminê me pir hov  
Me nabêñin wek mirov

Pirtegala koledar  
Wa da destê xwedî, dar  
Lê dewletên hevparî  
Çawa bikin vî karî  
Ev karê koledare  
Ne rêzana hevpire  
Ne derketî, ne birin ..  
Di welatê xwe pirin  
Welat li ser navê me  
Navê kal û bavê me  
Ereb ji me natirsin  
Ew jî wek tirk û firsin  
Çav berdane petrolê  
Tev hatina vê çolê  
Ev gernasên ser çiyan  
Eger rabin ser piyan ;  
Zû dest bavêjin tiving  
Bi gernasî bikin ceng  
Roja em dest bidin hev  
Bi dest wa nakevi rev  
Tenê ew gunehkarin  
Li ser me koledarin  
Ji koledar pîstirin  
Doza me windakirin  
Neko di ser me re bin  
Dixwazin em tune bin (!)

Em nabin tirk û ereb  
Çira bimrin bê sebeb  
Em Arîne, ne Faris  
Ma genim dibî garis !?  
Em paşketî rînezan  
Em ketibûn dest dizan  
Li ser me fermandar bûn  
Lê tim kolê neyar bûn  
Çigas pîs û nezan bûn  
Li ser me xanedan bûn  
Em kiribûn gurên har  
Tev ji hev re bûn neyar  
Bi xenceran diçûn hev  
Kuştin hebû, nebû rev  
Talan û çîr û hawar  
Dizan malê me tev xwar  
Dijîn wek gornepaşa  
Li ser me şêx û paşa  
Karbîdestê neyar bûn  
Em jî ne pir şiyar bûn  
Şêx û paşa, efendî  
Pirê wan jî ne xwedî  
Fermandar bûn, Qercqûş  
Lê ji xwe re palêن pûş.  
Li ser me paşa û mîr  
Li ber dijimin tev gizîr

Ew dîkuştin bi sêdar  
Wek mirovên dîn û har  
Nedan serê xwe kulah  
Yek jî nebû padîsah  
Zarê dijimin dikirîn  
Ta bi çolande firîn  
Rojî û bang û nimêj  
Şêxên şasik bi qerêj  
Wek bêgana digotin ;  
Ta zimanê kurd sotin  
Wan hatina me dixwar  
Diçûn ber derê neyar  
Nêçîrvan bûn şêx û mîr  
Nêçîr didan dest wezîr  
Goştê qelew bo dijmin  
Para wan hestiyê min  
Walî ew berdidan hev  
Ma kî hebû xwedî dev ?  
Diçûn ser hey bi êrîş  
Hevsar bi destê çawîş  
Ew paşa û derebeg  
Li ber neyaran bê çek  
Lê dem ji wan ev dixwest  
Ev dikirin, ne ji qest  
Ew qûnaxa ko têde  
Pêşve neçûbû zêde

Êlperist û olperist  
Hev girtibûn dest bi dest  
    Êlperistî destpêke  
    Paşdemane, ne rê ke  
Ew qûnaxa koçerî  
Tev kuştin û berberî  
    Hovîtî û nezanî  
    Malwîranî, xezanî  
Hêjî nebûn bîrewer  
Karê wan kuştin û şer  
    Hemî hov bûn weke hirç  
    Ser bi por û sîng bi pirç  
Diz û xwînxwar û keleş  
Ev jîn bi wan gelek xweş  
    Firs û Ereb, Tirk û Rom  
    Xwedî leşker, xwedî kom  
Li nik wan çarsed hezar  
Li cem begin sîh û çar  
    Zor dabûn mizgevt û dêr  
    Guh nedane taca zêr  
Mizgevt dava neyar bû  
Milet jî ne şiyar bû  
    Piropoganda dijmin  
    Şêxan dixist guhô min  
Dixist serê min hevsar  
Dixapandin wek keftar

Em ji qulan tanîn der  
Ji dijmin re diçûn şer  
Me miletên wek Bilgar  
Bi zor dixist dest neyar  
Niha va tê serê me  
Mêraniya me kême  
Lê ew Bilgar û Yewnan  
Xwedî hebûn li pişt wan  
Tev dewletên koledar  
Ew ji wanre alîkar  
Lê ew jî pir çeleng bûn  
Bi dijmin re bi ceng bûn  
Bê kuştin û bê zindan  
Welat neket destê wan  
Şerên Balqan navdarin  
Kurd jî pê gunehkarin  
Şerên wan olperestî  
Kurd dibirin ji qestî  
Koledarên bêxelat  
Da ko bêne Rojhilat  
Ev şer tanîne meydan  
Geh Roman û geh Yewnan  
Şêx û melan digot me :  
Dijmin ev Rûs û Rome  
Heçî di şer bê kuştin  
Ew mîvanê bihiştin

Hezar perî pir ciwan  
Li bihiştê didin wan  
Keç û kurên pir xweşik  
Dam û sedrenc û kişik  
Çi bixwazî, tê ber te:  
Agir, dijwar û sirte  
Heçi ji dil neçî şer  
Diçî nîvê dojeder  
Tev agir û mişk û mar  
Mirov dixwin, hey hewar !  
Ew kurmancê dil bi tirs  
Dema dibhîstin ev pirs  
Weke şêran diçûn şer  
Dişewitîn hişk û ter  
İslam tev yek milet bû  
Yek welat û dewlet bû  
Ne kurd hebû, ne Ereb  
Ne rast hebû, nejî çep  
Remza sînorgelaşa ;  
Padîşahim çok yaşa !

Li mizgevtan melên kor  
Bi ser me de bore-bor  
Bijî islam, padîşah  
Biparêze ey xwedah  
Ji ser me kêm nekî wî  
Kesek nîne wekî wî

Li ser avê bê gemî  
Diçî, bawer kin hemî  
Heçî kesên misilmân  
Bi bawerî, bi îman  
Tev jêre bibin leşker  
Kengî bivê, herin şer  
Hinleşkerê kesnedî  
Çi derewek bê fedî  
Wek qelaş û cenawir  
Êriş dikan ser gawir.  
Ne raste şêx efendî  
Em tev pala û gündî  
Têne kuştin bêkefen  
Ev ci derew, ev ci fen  
Wek min ziman dirêjî  
Kes hêbû wer bibêjî  
Belkî em tev nezan bûn  
Em dilxwazê dizan bûn  
Me bawer dikir ji dil  
Ta şikestin li kurd mil  
Dijmin kete nav welêt  
Dîn miletik hov û şêt  
Di vî welatî dijî  
Bê awir û bê mijî  
Êlperest û olperest  
Mîrin, ji bo xwe dixwest

Xesma dema petrol dîn  
Bûn wek gurên dev bi xwîn  
Wan jî em berdane hev  
Heta nema kes bi dev  
*Dijmin berik bîrin dam*  
Li me pêçan ev hizam  
Ev Erebêñ pir nezan  
Çi zû wilo bûn rêzan !?  
Rojhilat û rojava  
Herdû dane ber çava  
Li ber çavan hevparin  
Lê va qada me xwarin  
Jîr û zana û zîzin  
Çawa bi me dilîzin !?  
Dibin dostê Barzanî  
Lê rêzanê me zanî  
Hizam, zenar, li Cizîr  
Ko pêktênin ewêñ jîr  
Basêñ Bexda, basêñ Şam  
Li ser pişta me çûn dam  
Raste şerê hev dîkin  
Hîman di me wer dîkin  
Gazî dîkin kurdêñ jor :  
Tirk li we pir dîkin zor  
Kurdêñ nav me serbestîn  
Ne kole û bindestin

Ew jî weke me dijîn  
Win guh medin Cigerxwîn !

Emê alî we bikin  
Bi tirkan re hevrikin  
Win ji me pir nêzîkin  
Em karin we xwedî kin

Bibin weke saziman  
Emê çêkin Kurdistan !

Lê ev xapên eşkera  
Nakevin serêن kera  
Şah jî dostê Barzanî  
Lê Barzanî pê zanî ;

Şeş milyon kurd li Îran  
Winda dibin bê ziman  
Şah serbestî nadî wan  
Nadî me çekêن giran

Ko em dijmin bişkênin  
Welat tevî bistênin

Kurdêن xwe nakî milet  
Çawa me bikî dewlet !

Dijmin hemî wilo ne  
Elo ne, yan Silo ne

Hemî divêن xwîna me  
Kesek navê jîna me

Divêن ko me veşêrin  
Di nav xwe de bihêrin

Navêñ me tev guhertin ;  
Da bibêjin, ne kurdin  
Lê bizane, ey neyar !  
Zivistan çû, tê bihar  
Ew giyayê bin kevir  
Şîn tê rojek diçî der  
Bijîn kurd û Kurdistan !  
Nema dibî kolistan !  
Lata we ew kîrî pûst  
Baran lê hat hemî şûşt  
Kurd şiyar dibî bi lez  
Gavan tavêjî bibezi  
Hawîr civat û xebat  
Dibin şêrên Rojhilat  
Hindik maye bibin mîr  
Êrîş bikin weke şîr  
Wê çaxê dê çi bêjin ;  
Ko em xwînê birêjin  
Kî jê ber pirsiyare ?  
Hisab gelek dijware.  
Miletê we razaye  
Yan jî di xew de maye  
Roja bibî weke me  
Ewê êrîş bibin we  
Hisab bi wer bibênin  
Tola me wê hilênin

Çavnêrên wene sêdar  
Ey xwînxwerên gunehkar  
Werin alî me bikin  
Em û we ne hevrikin  
Şiyar bibin mebin dîn  
Guh bidêrin Cigerxwîn

## ALEQEMŞÊ

Gundek heye serxetê  
Navê wî bîra me tê,  
Dibêjinê, Alqemşê  
Al qumaşê, xweş rewşê  
Nuqta tirkâ têde bû  
Başçawîşek lê hebû  
Biner li vê sosretê ;  
Haco hat binya xetê.  
Qumandarek hate gund  
Qereqûşek serbilind  
Go: bi emrê dewletê  
Heçî daket bin xetê  
Bere tev bêñ textê min  
Ji wan re bî bextê min.  
Ezê wan azad bikim  
Serbest û dilşad bikim  
Tevlî dan û sindê xwe  
Wê vejerin gundê xwe  
Gelek kal û xort û rind  
Vegerîyan, çûne gund  
Li gundê Aleqemşê  
Ew kom kirin li hewşê  
Mêr bi carek girêdan  
Bi kindir û bi lêdan

Xort û pîr û kal û jar  
Weke êzing, weke dar  
Girêdan û dane hev  
Di dest wan de nema rev  
Hawîr danîn hûravêj  
Ew tivingên dev dirêj  
Serdarê wan emîr da  
Tevan bi hevre berda  
Hemî ketin li ser ax  
Bi ser hev de bûn kelax.  
Gaz berdane ser laşa  
Ji nû dan ber manaşa  
Heta ko tev bûn arî  
Ma kî dikî wî kari ?  
Jin û bî û pîr û bûk  
Keç û xame tev biçûk  
Bi hev re xistin xêni  
Da ko kes wan nebêni  
Rêsi û xermûf û pûş  
Xistin xêni, Qereqûş  
Agir berdan wî xanî  
Dixan bilind bû banî  
Heta ko tev Şewitîn  
Laşê wan tev peritîn  
Heçî pêjin jê dihat  
Bi singiwan kirin mat

Pîrek ji wan xelas bû  
Tim dil bi tasewas bû  
Li gundekî Alîyan  
Em li pîrê civîyan  
Wê çîrok ji mere got  
Dil û hinav li min sot  
Wê çaxê pîra torê  
Min nivîsî li gorê  
Lê min bi kurtî digot:  
Hingî dilê min di sot  
Hezar û çarsed û sî  
Weke min jê dipirsî  
Çar, yan sê jî berde ser  
Wilo zanim vê ji ber  
Yanî dikan yek hezar  
Hem çarsed û sîh û çar  
Hûr û gir û jin û mîr  
Bi hevre dane ber kîr  
Paşê dane ber şewat  
Bûn xelata Rojhilat  
Fermandarê-Qereqûş  
Sotin bi agirê pûş  
Ne rojname, ne kovar  
Kesî nego: hey hewar !  
Qereqûş bûn dîmuqrat  
Niha dostêن Rojhilat

Kiye dostê hejaran ?  
Perîşan û binbaran ?  
Herkes dostê xurtemêr  
Em tev didin pesnê şêr  
Kî hevalê miška ye ?  
Yan kî dostê rişka ye ?  
Bê xwedan û bê piştin  
Bi neynûka têñ kuştin  
Ê ket bin lingê devê  
Mirlin tenê jêr divê  
Sinbil çi reş û çi sor  
Ko ne xurt bî naçî jor  
Berepaş ew direvî  
Ya nikarî derkevî  
Zû zer dibî, dibî pûş  
Di bin lingê qereqûş  
Kurd ko divên serbestî  
Yan ko nevên bindestî  
Divê xwe bidne kuştin  
Da ko dijmin *bigeştin*  
Heta xwînê nerêjin  
Em nikarin bibêjin :  
Ku em jî bûne milet  
Xwedî leşker, bi dêwlet  
Bi dev em gelek mîrin  
Lê di dil de newêrin.

Em ji hev re weke şêr  
Ji dijmin re çelsemêr.  
Ez ne dînim, ne gêjim  
Divê ez rast bibêjim :  
Mirov du qat li herder  
Yek li bin û yek li ser  
Qata kurdêñ xwedî mal  
Bi dijmin re bûn heval  
Nema divêñ serxwebûn ;  
Tenê divêñ bixun rûn  
Ku raserî milet bin  
Bere dijmin dewlet bin  
Ew jî diçin parlement  
Tev birane misilman (!).  
Qata jêrî tirk û kurd  
Tev birçî ne, tev zigurd  
Divê ew dest bidin hev  
Xebat bikin roj û şev  
Bixin destê xwe ew dar  
Herdû bibin xwedî par  
Yanî bibin du dewlet  
Dostê hev bin du milet  
Yek bin li hember neyar  
Rojêñ pir teng û dijwar  
Qereqûşan bikujin  
Hingî herdû dipijin

Bibin dostê Rojhilat  
Hew çêdibin ev şewat  
Aleqemş bibî pîroz  
Lê çêbikin gewreqos  
Gorna kuştiyên winda  
Ronî bidî wek finda  
Koçê barkin kul û şîn  
Kes namêni Cigerxwîn.

## Jİ NÜVE EM BERJOR DİÇİN

Welat hemî ji dest me çû  
Axa carek ne xeyidî  
Lê iro gundên wî diçin  
Binêr çawa dixeyidî ?

Xwedî ku pez berdî çiyê  
Ser deynî tamara xewê  
Her kes dizanî ko gur û  
Wawîk û diz dibin xwedî

Şêx û beg û axane ko  
Em dane bin destê neyar  
Li ser me xo bilind dikan  
Bê şerm û bê tirs û fedî

Milet şiyar bûye ji xew  
Zanî çine rast û derew  
Nema dibî kolê we ew  
Ma kengî şer dibin gidî ?

Nezanî ketbû nav welêt  
Me destê şêx maçî dikir  
Qesra bi me ava dikî  
Lê nan û nîskê, pir didî

Xelk bûne padîşah bi zor  
Hasin bi zanîn birne jor  
Lê ê me berjêr bazdidin  
Ta bûnê keyxwayê Şidi

Ava Ferat ji jorve tê  
Kî karî xwel ber ragirî  
Lê ko seqem bi serde tê  
Dibî qesem dicemidî

Hîmek ji banîve ku tê  
Kî karî rawestî li ber ?  
Lê ko ji hev belav dibî  
Her yek bi cîkî rû didî

Ev hîme, şahinşahî ye  
Lê perçebûn, axatî ye  
Şopa we xwar û çewt û vir  
Riya rast û dirist, me dî

Pê şopa karkeran herin  
Lê bi loks û çira herin  
Ber bi birc û sera herin  
Sed bi yekî, yek bi sedî

Divê milet şiyar bikin  
Cotar û palan kar bikin  
Xencer bi dest rabin ji pê  
Daxwazê bigrî, bernedî.

## ÇİBKİM Bİ ROJİ Ü NİMËJ

Tazîmê, birçî me, mela !  
Çibkim bi rojî û nimêj ?  
Kom bûn li min derd û bela  
Çibkim ji vê rîşa dirêj ?

Tê ez kirim kolê neyar  
Te ez ji banî birme xwar.  
Bindestê dijmin mest û jar  
Derman çiye ka wer, bibêj ?

Kurtan li mil ez bûme ker  
Barê neyaran tim li ser  
Pişta mine, ah û keser  
Bîr û mijî tev bûn qerêj

Banga te ya sar û rijî  
Qet agirê dil nakujî:  
Ev kar bi bangê napijî  
Ey rî dirêjê dîn û gêj !

Min ev niviştên pel gemar  
Xweş xwendine her yek ducar  
Zanim di wan ðe nîne kar  
Ez vê dibêjim hê ji mêt

Bibin xwedî top û tiving  
Herdem li kar bin wek piling  
Roja bibî hawar û ceng  
Mêrane xweş, xwînê bi rêj !

Hevbang û hevsazê te me  
Hevxwendin û razê te me  
Ez dost û dixwazê te me  
Tênûr me dada, nan bipêj !

Bê cîmê ez, bê kinc û nan  
Awir weza û bê diran  
Li ber pezê wê bûm şivan  
Hêjî nezanî, hêjî, hêjî

Min dotive, min xweş meyand  
Min xweş nixwamt û xweş kiland  
Min ew kire rûn û heland  
Dijmin ji bo min hişt dêwêj

Qesr û sera û qad û rez  
Mal û sewal û dexl û pez  
Herçî bi don û goşt û bez  
Bo xo birin bo min kelêj

## FATÊ Û MELA

Ev çi rîşe, ev çi şâşe ?  
Ya mi berde, yabterâşe  
Ev çiye berdaye paşe ?

Jêre navên cîm û lam

Ez bi vê rîşê û şâşê  
Bê izin dighême paşê  
Pê dixum mûç û me-aşê  
Serbilindim pir kiram

Ez biçükim nûciwanim  
Pir bi van işan nizanim  
Lê ji wan ez dil giranim  
Ez divêm xemr û medam

Ez mela me, ev heramin  
Bes bibêje vê li ba min  
Şerbeta lêvan te da min  
Nazika şérîn kelam

Nazikim sermest û gêjim  
Ez ji dev şekir dirêjim  
Tim dixwazim rast bibêjim  
Min divêtim nay û cam

Rî sipî me, ez mela me  
Ez xwêdan sewm û sela me  
Ev di ola min hera-me  
Bes bibêje ez xulam

Rî sipî bû, pîr û kali  
Rû ji rindî maye xali  
Roj û şev herdem dinalî  
Ez delal û meş-xeram

Meş-xeramê, ez xulamê  
Dil ji min girtî bi damê  
Guh mede vê nay û camê  
Totîya eywan *meqam* !

Totîya eywan bilindim  
Pir şepalim, ez lewendim  
Nazedar û qewr û rindim  
Min divêt mîrek *temam*

Ez çilome, qeynebaşım !?  
Cibepoşım ser bi şasım  
Ta ku aşî ez qerasım  
Nav û dengim çûne Şam

Dê çikim ez nav û denga  
Dil dixwazi rewş û renga  
Awirêñ şêr û pilinga  
Dê çikim kalek *heram*

Ger çi kalim, dil ciwanim  
Ez di vê rê pehlewanim  
Dilbijînê xweş dizanim  
Dil bi şewq û pir *hiyam*

Pîr û kali, kevnewarî  
Tevde bûrî, bûyi arî  
Qet bi vî karî nikarî  
Kalemerek bêqiram

Wer mebêje, ez şiyarim  
Wek bizotim, pêt û arim  
Ez di vî warî li karim  
Ey şepala rû ji xam !

Ez ciwanim terh û katim  
Pir şirînim wek nebatim  
Ne ji bo malê te hatim  
Min divêtim zewq û *tam*

Ez mela me, dewlemendim  
Şêxekî pir mal û gundim  
Ez li her der serbilindim  
Ey delala bisk ji dam !

Sed tifû ev mal û zêre  
Dê vekim sîngê ji kê re ?  
Min divê yek xor temêre  
Ez di jînê nû giham

Pir şirînî, nûgihayî  
Wer, li nik min pir bihayî  
Lê tu iro ejdehayî  
Ez di nêv benda te mam

Dev genî bû, bê diranî  
Rast dibêjim, lê nezanî  
Perdeya şermê hilanî  
Min tu navê *wesselam.*

## HO HO ŞİVANO

Ho, ho, şivano, hoho şivano,  
Dil bi kulo, bi kovano !

Tu pez berde pişta sûrê  
Dest bavêje ser bilûrê  
Belkî millet ji xew rabî  
Dikim, nakim, şiyar nabî  
Li paş maye har û germe  
Ne wek pezê te rû nerme  
Biroj pêde divê razê  
Qet guh nadî ber vê sazê  
Mirov gihane ser heyvê  
Bawer nakin ji min peyvê  
Wekî loke diçî di rê  
Hevsar bi kurtanê kerê  
Kore, li pey koran diçî  
Rêber mela, şêx û hecî.

Hoho şivano, hoho şivano,  
Dil bi kulo, bi kovano  
Pezê xwe zû berde çolê  
Kaşo bigre were holê  
Gokê bidin em ber şega  
Derxin ji nav xo van bega  
Ew rêber û dostên neyar  
Çend sale van malê me xwar.

Bûn rêberê milet hemî  
Nanîn delavê, wan gemî  
Ziman û qad hiştin beyar  
Pêşkêş kirin destê neyar  
Bi ol û êl xistin di xew  
Heta ku em bûn çêlekew  
Heta kú rêber bî Elo  
Wê xwarina kurd bî çilo

Hoho şivan, hoho şivan ;  
Em bendeyê dengê te man  
Dengê bilûrê pir xweše  
Pê xweş dibin can û leşe  
Givgiv bike her dem li gund  
Bêne sema tev gewr û rind  
Lêv sor û dem gul bêñ sema  
Derxin ji dil derd û xema  
Perda reş û xemri û fot  
Rakin ji ser xwe bêñ bi lot  
Lêxe tu saza ceng û şer  
Da xort ji hawîr bêne der  
Bigrin bi hûravêj û top  
Erîş bikin ew Qope-Qop  
Bişkî ji ber wan tim neyar  
Milet ji xew rabbit şiyar.

Hoho şivan, hoho şivan,  
Ey dil bi êş û derd û jan !  
Wek te şivanim ey heval :  
Bilûr şikestî, nîne mal  
Îro qelem awaz û saz  
Ez bûme wek nîvborcewaz  
Têm û diçim ez roj û şev  
Qatan di hejmêrim bi dev  
Ne pez heye, nejî bilûr  
Bi dev dikim ez lûre-lûr  
Lê kes di van roj û şevan  
Guh nadî ber dengê şivan  
Zanim siyaset tev derew  
Divê ku kurd rabin ji xew  
Destan bidin top û tiving  
Li ser çiyan qêrîn û deng  
Ji nav welêt derxin neyar  
Qada me namênit beyar

Hoho şivan, hoho şivan ,  
Kurd bendeyê dengê te man  
Lêxe li ber latê bilûr  
Hişyar bike hov û tilûr  
Bib û werîn tilyên qelew  
Da kurd şiyar bin tev ji xew  
Guh bidne vê sazê ji dil  
Xweş nasbikin razê ji dil  
Ka ci dibêjî ev bilûr ?  
Daxwaz çiqasî kûr û dûr ?  
Dilsoje saz, tev derd û xem  
Şanî didî zor û setem  
Tev kuştin û talan û şîn  
Çendan di nav de tê evîn ?  
Saza teye cergê me sot  
Xortan diçelqêni bi lot  
Xumxum dikî rengê çema  
Bisk û kezî pê têna sema  
Dengê bilûrê pir bi tîn  
Cerg û hinav min kirne xwîn  
Hoho şivan, hoho şivan ,  
Kurd bendeyê saza te man.

## DERWÊŞ XWE NADÎ PÊŞ

Gurmîne derwêş har û dîn  
Hawar dikî qêrîn û şîn  
Savar û nîvişk jêre bîn !  
Birçîne zarok tev li mal.

Keşf û keramet qet nema  
Çenda bîkî reqs û sema  
Dilnermîya xelkê nema  
Erbane bûye wek qepal

Bes qîr bike derwêş reben :  
Wek rovîyê pir xap û fen  
Herkes dizanî dav û ben  
Nemane ew reng sir û hal

Ka *hey, hey* û *ew hal* û *sir* ?  
Şêx û mela tev bûne gur  
Dijmin zora ola me bir  
Ferman li wan rakir Kemal

Binêre şêx û sofîya !  
Bi çiv diçin wek roviya  
Xwe dane tengala çiya  
Tev dîn û mezheb bûn betal

Derwêş, tu bes hir-hir bike !  
Rabe tu rîşê kur bike  
Xwe dûrî hal û sir bike  
Fêde çine ev qîl û qal ?

Ka Neqşebendî, Qadırî ?  
Tekye kirin xana kerî  
Xwe navêjin nav agirî  
Ew şah û ew şêr û şepal

Ka *ew sir* û *ew zikir* û *xişt* ?  
Bazbend li kû ma, ka nivişt ?  
Dijmin bi dest şêxê te kuşt  
Bê fêde çûn ew mah û sal.

Ev dize, yan derwêse ew  
Rengê mirîşk û mêşe ew  
Derd û bela û êşe ew  
Serpoşêcejna kerneval.

Pîsî bi navê şêx dikî  
Şêx jî bi ser de rêx dikî  
Wek rêx û şêx û mêt xikî  
Bê cibe û şerwal û şal

Erbane bavê wer bixwîn !  
Jehre we xiste ol û dîn  
Heta Ciger min bûye xwîn  
Welat bixwazin, em heval !

## ŞERÊ DÎNA

Rojek ji ên biharê  
Rûniştibûm bin darê  
Min dî du kes têñ di rê  
Dûr ketibûn ji pirê  
Girtin dar û çûne hev  
Ne navcî nejî rev  
Kumik li hev kirin sor  
Li wê navê bore-bor  
Ez zû rabûm ji bin darê  
Min xwe berda devê rê  
Ez ketim navbera wan  
Çawa dîtim rawestan  
Min dî ko herdû jî dîn  
Dest û serî, hemî xwîn  
Min go: hey Malik wêran !  
Win ji hevre wek şêran  
Xelkê malê we tev xwar  
Win jî li hev didin dar.  
Go: rast dibê, ezbenî !  
Şeytan bi me dikenî  
Em herdû jî hov û dîn  
Were tu me li hev bîn !  
Ji min re go: ê dev lal  
Ji gund virde bûn heval

Em gihane derê han  
Pêre hebû hinek nan .  
Min kir, nekir, neda min  
Go: bes eve keda min  
Welle bimrî nadim te  
De xwe bigre hatim te  
Çûne hevdî wek beran  
Ev şer ji bo gezek nan  
Ê zik mezin û bawî  
Rabû darê xwe da wî  
Go: bişkîne serê min  
Ha, ji tere perê min  
Go: na, ez tu birane  
Ne birayê pera ne  
Em bi hev re bûn heval  
Çine pere, çiye mal ?  
Gazin wan kirin bi dev  
Paşê çûne riwên hev  
Bû tiq-tiqa kenê min  
Li zik sist bû benê min  
Min go: lawo aferîn !  
Kî dibêjî ku win dîn ?  
Xwezî beg û axêñ kurd  
Wek we bimana zigurd  
Belkî li hevbihata  
Biketa nav civata

Ev paşa û beg û mîr  
Tev bibûna wek we jîr  
Xwezî şêxên xwedî dîn  
Hemî wek we bibin dîn  
Belkî em wan bikin yek  
Xwe rapêçin ew bi çek  
Bikevin ser diyaran  
Bikin şerê neyaran  
Bextê kurde, malmezin  
Ji milet re tev dizin  
Ji dijmin re tev rençber  
Şêx û begêñ xweli ser  
Wek we nikarin ew tev  
Herin lep û riwêñ hev  
Bibin yek partî û bend  
Li nav xelkê serbilind  
Qêrîn bidin zinaran  
Êriş bikin neyaran  
Dijmin derxin ji welêt  
Lê mexabin ne wek şêt  
Çiqasî em dibakin  
Lê ew dengê me nakin  
Çil sale ez bi qêrîn  
Ji ber wa bûm Cigerxwîn.

## JÍ TIRSA ZANA XWEDÊ BİRNE EZMANA

Demek ez derketî bûm  
Belkî ji derb ketî bûm  
Direviyam gund bi gund  
Xwe vedişart weke kund  
Melak hebû li bajêr  
Bi qerêj û xwedî xêr  
Bi xanî û xwedî mal  
Bi dikan û bi 'perta  
Yanî ne birçî, ne têr  
Mala-wî bû şevbiwêr  
Gelek caran diçûm cem  
Direvandin kul û xem  
Dipeyivîn ji kevnar  
Hem ji aş û ji bajar  
Dostê minê nimêjker  
Tizbî, sîwak tim li ber  
Nimêjker û rojîgir  
Doza kurdîtî dikir  
Eger derew, eger rast  
Xwe ji çavan diparast  
Bawer dikir mäl bi dîn  
Tê komkirin, tê civîn  
Min ji wî re tim digot  
Bese te mala xwe sot

Çi nimêj û rojî ne ?  
Çi sîwak û tizbî ne ?  
Hemû çîrok û derew  
Mej dijmin re dixin xew  
Lê ew bi min dikenî  
Tenê digot: ezenî !  
Tu pir qencî, Cigerxwîn :  
Tenê êrîş meke dîn !  
Rojî, nimêj pir başin  
Bê zîyanin, belaşin  
Raste, derew, em dîkin  
Dilê xwe pê xweş dîkin  
Çend sal di wê navê çûn  
Zû winda kir ew hebûn  
Weke min ma bê qerêj  
Berda wî rojî, nimêj.  
Di ser mere borîn sal  
Ji zindanê hatim mal  
Rokê hate mala min  
Pala xwe da pala min  
Dem rojî bû Remezan  
Bi rojî bûn tev nezan  
Dinav wan de em gawir  
Weke dir û cewahir  
Dema xwarin hat ber min  
Go: ka kevçî bidin min !

Weke gurê birçî, har  
Me herdiwan xwarin xwar  
Min go: Seyda, go: de bêj  
Ka ew rojî û nimêj ?  
Li min nerî û kenî  
Go: nezan bûm, ezbenî !  
Pêket felsefa xwe got  
Dil û ciger li min sot  
Me ajote sersedê  
Heta gihan bal xwedê  
Go: mirovên pir zana  
Xwedê birne ezmana  
Lê teng nekirne qefes  
Da neghênen destê kes  
Eger li vir bihişta ;  
Meyê ew zû bikuşta  
Berê xwedê xurm û dar  
Me dişkand û me dixwar  
Lê jirekan ew bir jor  
Di dest wî de maye zor  
Vê gotina pîr mezin  
Agir berda dilê min  
Min go: seyda aferîn !  
Niha bûye dûrebîn  
Go: piştî bûme xezan  
Bûme pêzan û rêzan.

Min go: Seyda aferîm,  
Tu rast bûye weke rim.  
Rûmet nebî, çiye dîn ?  
Tu jî bûye Cigerxwîn.

## JÍ XWEDÊ DİVÊN Û EM FIRÎNGA DİDİN

Ez dihatim rê û rê  
Heta giham ber pirê  
Min dîn çend kor û hejar  
Dest bilindin, qare-qar  
Mal dixwazim ji ezman  
Em firingan didin wan  
Hin gêr bûne ser qadê  
Dikin qêrîn: ya xwedê !  
Xwedê ji wan ne razî  
Çima lê dikin gazi ?  
Eger xwedê bixwazî ;  
Ne hewceye ev gazi.  
Ji xwe nadî ên feqîr ;  
Çiqas bikin qîre-qîr  
Xwedê mal û hem dirav  
Didî mirovên bêbav  
Didî kesên şareza  
Bila bimrin yêñ weza !  
Heçî kêm û nekirkêr  
Çibkî ji mal û ji zêr ?  
Heçî hestê xwe vejend  
Bû xwedî mal, xwedî gund  
Eko rûnî ber dîwêr  
Tim bibêjî: xwedîxêr !

Xwedê dengê wî nakî  
Çığas bilind ew bakî.  
  
Tiştek heye pir mezin  
Eger tu guh bidî min :  
Xwedê kîye, li kûye ?  
Ez dibêjim lê zûye  
Xwedî olên pir derew  
Ji bo ko we bixin xew  
Xwedê anîne meydan  
Li hember danîn şeytan  
Mal û his û bîr û can  
Heçî tiştêñ bê ziyan  
Tev xistine dest xwedê  
Lê derewe guh medê :  
Tu zanibe ey heval !  
Ne ew heye, nejî mal.  
Mal xebata destê te  
Wek jendina hestê te  
Vênamevî, nejenî  
Tu neçenî, naçinî.  
Ê kar nekî birçî ye  
Ava nekî bê cî ye.  
Kar û ziyan jî he ne,  
Ew jî ji destêñ me ne  
Tu baş bikî, baş dibî  
Nebaş bikî şaş dibî

Bibî şivan û gavan  
Fileh bî yan misilman ;  
Dê tim bimêni li jêr  
Nabî xwedî mal û zêr  
Lê tu eger xwenda bî  
Di partî û benda bî  
Rojek dibî berxwedar  
Dixî destê xwe hevsar  
Di wê çaxê ey heval !  
Hemî dixin xwedî mal.  
  
Ne şeytan û ne xwedê  
Ga, najone sersedê.  
Ew miletê tim hejar  
Kor û bawî, berdîwar  
Kes rê şanî we nadî  
We jî navê azadî  
Serbest nabin li dinê  
Ko zor nedin xwendinê.  
Ev bûye sed salên we  
Kûçik dixun malên we  
Keşe û şêx û melâ  
Li we dikin teşqela  
Axa û mîr û paşa .  
Wek hirç û gornepaşa  
Ew tev beg û efendî  
Lê win ji wan re gundi

Kar ê we ye, kara wa  
Biwan xweše ev awa  
Bere win berdîwar bin  
Dako li we siwar bin.  
Win tim wesan bibin kor  
Tim li jêr û ew li jor  
Jinên we bibin qewraş  
Win ji wan re herin aş  
Ew dewlemend, win *feqir*  
Ew malmezin, win *heqîr*  
Li gund bimênin bê nan  
Wan rêbikin parleman  
Dîsa ew dibin wezîr  
Hemî xwenda, hemî jîr  
Ji wan re dibne pêwan  
Li ber derî dergevan  
Lê şihada xwe bilind  
Tu bistêni naçî gund  
Tijî dibî efendî  
Ne wek kurdêñ nexwendî.  
Mal, xwendin û zanîne  
Ne li jor û banî ne  
Xwedê jî maye deyndar  
Di dest mane ben û dar.  
Ket, lê tu wî radikî  
Mala wî ava dikî

Ji bo bikin teşqela  
Pir xwe lê dakin bela.  
  
Mal, ketiye dest mirov  
Ne mirovên wek we hov  
Berê hebûn rez û pez  
Weke hev bûn ew û ez  
Niha tev bûye Dolar  
Ne wek berê tev gemar  
Karêñ mezin pê dakin  
Tenê iro hevrikin  
Destûr bibî Markisi ;  
Kara te nadî kesî !  
Eger tu rast dixwazî  
Guh bidêre, birazî :  
I- Divê rist Markisi bî  
Nanê we bê tisî bî  
2- Divê gerden azad bî  
Da ko timî dilşad bî  
3- Divê hemî karker bin  
Tev cotar û recber bin  
Tev bi hev re kar bikin  
Kara xwe tev par bikin  
4- Dar di destê me kevî  
Da parvebin tev zevî.  
5- Heçî êl û olperest  
Ne dar, ne kar, nedin dest

6- Xwendin bikevî welêt  
Bêne kuştin heçi şêt

7- Mirov tev dost û yar bin  
Neyarê koledar bin

8- Zorê bidin ser dezgeh  
Hawîr xweş kin cî û geh

9- Her tişt bibin ên milet  
Mal û xebat û dewlet.

10- Em tev bibin xwedî rist  
Jin jî bimêni serbest.

Divê ji bo van xebat  
Şiyar bikin Rojhilat.

Welat kete dest neyar  
Nayê dest me bi hawar

Divê xwîn bê rijandin  
Milet pê bê pijandin

Bibin dostê Rojhilat  
Wê bê roja me-felat

Kes bê dewletek mezin  
Li ser qadê nabezin

Tenê roja rojava  
Niha çûye ber ava

Kengî li wan bibî şev ;  
Bi dest wa nakevî rev

Lewra hawîr dibezin  
Divên ko me bidizin

Pera didin heçî pîs  
Bi wan boyax dikin rîs  
Heta diçin nêçîrê  
Rovî dixun şinîrê  
Eger milet bê, erê,  
Genim nabin bênderê  
Çibkim, ne baş giha ye  
Hêjî li pey axa ye.  
  
Hin jî li ser sedê ne  
Hê guhdarêñ xwedê ne  
Dikin hawar û aman  
Belkî xwedê bidî wan !?  
Îro sedê bîsta ye  
Ê şiyare hosta ye  
Heta kengî şiyar bin,  
Ji dil li min guhdar bin ?  
Kûre germ nabî bi tira  
Dijmin namrî bi nifira  
Guh mede şêx û keşe  
Bi pey min de bi-meşe !  
Rast bibêjim, dibim dîn  
Rast nebîjim, Cigerxwîn.

## ZENGİL DİNALÎ

Zengil ji dil dinalî:  
Kerwan birêket û çû  
Meyger werîn ji minra  
Cama şerakek zû zû !

Pîrê mexan dibêjî :  
Çiman wilo diçî, tê ?  
Min gotê: kî dizanî  
Ji kû têm û diçim kû ?

Korim, me dest bi destê  
Yekî kor û nezane

Rê tarî û çirave  
Rewşa cihane yek sû  
Dema ku dû dibênim  
Agir tê ber hişê min  
Agir çiye ji kû tê ?  
Nadî zanîn bi min dû.  
  
Jîna me bê ser û bin  
Dawî çiye, ci zanim ?  
Wekî hêk û mirîşkin  
Bê bersivin ez û tû.  
  
Cana were bi hev ra  
Serxwêş bibin şev û ro  
Mebêje: şerme seyda !  
Porê serî sipî bû ?  
  
Serkaniya hebûnê  
Li kûye ? kî dizanî ?  
Çirok dûr û dirêje  
Serî li kû , binî kû ?  
Bi çewtî em bilizin  
Pir xwestire ji qanûn  
Li kolanan herin, bêñ  
Çibkim bi saz û berbû ?  
Wer da meyê binoşin ..  
Li ber defê herin, bêñ  
Em serxwêşin nizanîn  
Qanûn û rist û tûtû ?

## BI HÊSTIRA DİLÊ DIJMIN NERM NABI

Di ser hewran ve xweş em diherin  
Li ber derên me parsek digerin  
    Me lêkirin ev eywanêñ mezin  
    Xwedî kirin ev çêlek û bizin  
lê em dibênin koxik û reşmal  
Dijîn di wan de parsek û evdal  
    Me çêkirin ev nexwêşxan mezin  
    Li ber derên wan reben dibezin  
Xercê rê nîne, ji qund bêñ bajêr  
Bi tîfo dimrin hemî jin û mîr  
    Peyda bûn li me zanîn û fêrbûn  
    Ketin destê me hatin û hebûn

Hawîr digerin ji bo nanezik  
Di dilde şîn têñ ev gir û ev rik  
Ev sitêra xweş têde em dijîn  
Serbeste maldar, hov û har û dîn.  
Ev rista faşîst çewt û nadirist  
Şêrîn û tehli hemî li dar xist  
Kirin kerafî, xwarin û xweşî  
Ev jîn û evîn kirin dilreşî  
Qasek nikarin dilxweş em razin  
Sal hemî diçî bi derd û gazin  
Diser me ra ev xanêñ pozbilind  
Li ber derêñ wan dinalin wek kund  
Bere tev bimrin karker û cotkar  
Tenê qasa wî tijî bî, maldar.  
Diber pirê ve dema diçim ez  
Otomobîla me diçî pir bi lez  
Li çar alî ne: parsek, ketî, kor  
Destê wan bilind, berê wan li jor  
Hemî birane tev ademîzad  
Çima parsek bin, ev reben, bêdad  
Çi karin bikin firyad û qêrîn  
Dilê xwînxwara nem nabi bi dîn.  
Bikêr me nayêñ, ne qîr, ne hawar  
Şanî maldaran bidin serê dar !  
Darê Mûsa ye ev kar û xebat  
Dîwana Mûsa ji bo we Tewrat

## HO KARKER, BİBİN YEK

Ji welatê Amûdê  
Ez hatîbûm Bêrûdê  
Mala me raser avê  
Dereng didayê tavê  
Avanî yek lê dibû  
Qesrek mezin çêdibû  
Karker têde ne pir bûn  
Lê tev wek bav û kur bûn  
Bi dilxweşî kar dibû  
Yek dihat û yek diçû  
Bilind dibûn ew dîwar  
Bi wan xweş bû gelek kar

Saat heft û heta heft  
Tevan dikir kefte-left  
Xelas kirin ew xanî  
Heftqatî bû avanî  
Wan karkerê dest zivir  
Geh ji vir û geh ji wir  
Karê xwe wan bir serî  
Ta gihane ber derî  
Derence û esansor  
Danîn ko xelk herin jor  
Bi kareva, xaz û av  
Wilonakin dê û bav  
Nizanim çend perçe bûn  
Zanim gelek tê hebûn  
Ev xanî yê wek sera  
Ava kirin bi pera  
Ew xebat û ew gemar  
Ji xwedî re bûye kar  
Piştî ko dan bi dir-hav  
Nema karker çûne nav  
Hey, ev rista borcewaz !  
Te em kirin belengaz.  
Qesra çêkim, bê cî bim,  
Pera bênim, birçî bim.  
Lê karkerê pir nezan  
Wan xwe dane dest dizan

Eger ew dest bidin dar  
Êrîş bikin li ser mar  
Diperçiqî serê wî  
Bikêr nayêñ perê wî  
Karker ko dest hilêñin  
Ev xan ji war dimêñin  
Mal û xwendin û welat  
Belkî hemî Rojhilat  
Ji milet re dimêñin  
Wê kara xwe bibêñin  
Lê wê kengî şiyar bin ?  
Bi vî rengî li kar bin.  
Ancex tarix bizanî  
Wê kengî ev nezanî  
Ji nav kurdêñ me rabin  
Bi hev re wek bira bin  
Welat têxin destêñ xwe  
Ew saz bikin ristêñ xwe  
Ey karkerêñ cihan tev !  
Sivik destan bidin hev  
Bikin şerê koledar  
Heçî ko malê me xwar  
Dijmin derxin ji welêt  
Lê bibarin ar û pêt  
Bighê kurdan, Kurdistan  
Nekin weke Pakistan.

Ne kurd têde serbest bin  
Neko kêm û bindest bin  
Ji bo bibî yek welat  
Daxwaz eve ji felat  
Markis rê kirye şose  
Mebin kose, ber kose !  
Ev karkerên dest gemar  
Bixin destên xwe ew dar !  
Lê karkerên cihan tev  
Destên xwe ew bidin hev  
Bibin ji bo me ew pişt  
Cihan dibî wek bihişt  
Ev ne xewne ne xeyal  
Ez dibêjim, ey heval :  
Rû biken û ziki têr  
Ev gemar tev dibî zêr.  
Kes namêni dilbirîn  
Eji nabim Cigerxwîn.

## İLHAM

Nebî me, lê nebî bawer  
Bikî ko ez semawî me  
Hezaran wek me rabûne  
Dizanim ko ne dawî me.  
Xwedestim ez  
xweristêm ez  
Li ber avan  
Nivistim ez.

Ne dîn û serxweş û gêjim  
Ne ser mest û ne bawî me  
Li ser şaxan  
Dimênim ez  
Li nav baxan  
Dixwênim ez  
Ku her tiştî  
Dibênim ez  
Ne rêwî me  
Ne rawî me.  
Ji mûsa re xwebernâdim  
Ji îsa re xebêrnâdim  
Ji Taha re xebernâdim  
Ne Zardeştî  
Û Manî me.  
Ne derwêşim  
Ne dengbêjim  
Mebîn ko serxweş û gêjim  
Di ristê de şekerrêjim  
Ji rengê te semawî me  
Cigerxwînim ji van derda  
Li meydanê xwe zû bêrda  
Diñav bahoz û bager da  
Bi bîr û bawer û dozim  
Ne Şewqî û Zehawî me.

## ŞEFEQ HİLDA

Heval meyzê ! cihan iro ;  
Du bend û perçe û doze  
    Li alîkî şefeq hilbû,  
    Li alîkî reş û toza  
Şehîn-Şahê serî taca  
Zerîn û gewherên lala  
    Bi kurk û etlesê sore  
    Siwarê çilekî boze  
Li hawîr leşker û tîp û  
Siwar û tox û alane  
    Ji alî Rojhilat derkct  
    Cihê lê deynî pîroze  
Şikestî leşkerê tarî  
Zer û sor têne meydanê  
    Li hawîr tîp û tîrêjin  
    Ji her derdare Nûroze

Çiya bûn kumbedên zêrîn  
Li bejnê kixmeyê feyrûz  
    Hemî candar bi hêvî ne  
    Ne serma û ne bahoze  
Biharê xaliça-rengîn  
Bi ser qadê de berda ye  
    Gul û sinbil seri hildan  
    Nefel bel bû, geyâ koze  
Tilûran qid-qid û qıştin  
Bilûra dawer û xo ye  
    Çem û cobar dilorênin  
    Li jorê keskesor qoze  
Bi govend û sema têñ û  
Diçin, tev tirhik û katik  
    Li tenbûrê dixî bayê  
    Biharê, jar û dilsoze  
Li ber min pal vedaye ser  
Biharê dilbera nazik  
    Perireng û gulişeng û  
    Şirînlêv û şekersoze  
Meger seyda bi tîr û  
Awirêñ yarê birîndare  
    Belê, pir payedarim ez  
    Ku tîravêje, Amoze.

## EV DİNYA PİR XWEŞE

Pir xweşe pir xweşe  
Ev dinya pir xweşe  
Yar pal daye ser min  
Rû wek gula geşe

Dev likenin sorgul  
Ser dihejin sunbil  
Xurxur ji avê tê  
Hilm û sirra bê tê

Pir xweşe, pir xweşe  
Ev dinya pir xweşe  
Yar pal daye ser min  
Rû wek gula geşe

Destê yar bi destim  
Ez serxweş û mestim  
Kûpik dev û lêvin  
Mêze herdû sêvin

Pala xwe da ser min  
Bê fehêt û şermin  
Gelek xweşe ev jîn  
Em bûne wek Mêm û Zîn

Pir xweşe, pir xweše  
Ev dinya pir xweše  
Yar pal daye ser min  
Rû wek gula geşe

Em zava û bûkin  
Pêwan li me çûkin  
Pal dane ser şînî  
Kesek me nabînî

Hawîr me Zennarin  
Perde pel û darin  
Guldestê evînê  
Daxwaza vê jînê

Pir xweşe, pir xweše  
Ev dinya pir xweše  
Yar pal daye ser min  
Rû wek gula geşe.

Lêv ji gulên sorin  
Maçan pev digorin  
Lêvên hev dimijin  
Tîna dil dikujin

Dema em dighêñ hev  
Ronî didî ev şev  
Xec û Siyamedin  
Pir ciwan û rindin

Pir xweše, pir xweše  
Ev dinya pir xweše  
Yar pal daye ser min  
Rû wek gula geşe

Serbest û azadin  
Em dilxwes û şadin  
Bê gili û gazin  
Bi dil hev dixwazin

Guldestêñ evînê  
Pêlêñ derya jînê  
Em gihan serbestî  
Sed tif li bindestî

Pir xweše, pir xweše  
Ev dinya pir xweše  
Yar pal daye ser min  
Rû wek gula geşe

Em saza hebûnê  
Doza peydebûnê  
Dengê saza rindî  
Rewşa serbilindî

Herkes dost û yarin  
Çira gunehkarin  
Tev dilbij û jîrin  
Xwedî his û bîrin

Pir xweşe, pir xweşe  
Ev dinya pir xweše  
Yar pal daye ser min  
Rû wek gula geşe

Ne bes Cigerxwînim  
Hemî Cigerxwînin  
Ne bes dil birînim  
Hemî dilbirînin

## DİYARÎYA YARÊ

Ji dostê re çi rêkim, ez diyarı ?

Diyare yar dixwazî min bi yarî

Dixwazim can û dil jêre bişenim

Tenê şerme, hemî derd û hejarî

Dixwazim herdû çavan jêre rêkim

Bikêr nayêن, ji wan her xwîn dibarî

Divêm jêre ziman û dev bişenim

Ne hêjane şev û rojan bi zarî

Nizanim ez, çi hêjayê ku rêkim ?

Cihan pêkve bihayê biskê tarî

Serî, naçare min danî li ber pê

Me go: şahim, tu pêlêkc siwarî

Tenê xanim, bi nazî hete ser min  
Zivistane, li min şîn kir biharî

Bi wän lêvên şirîn go: râbe seyda !  
Tu serbestî ji min çibkî, dikarî

Ji rêve ez bezîme pê û destan  
Bi jor ve hilkişîme ez ji xwari

Ji bexçê paxilê çûme du sêvan  
Ji bistanê riwan dêmên henarı

Ji lêvên erxewanî min du sed cam  
Şeraba hingivînî nû, vexwarî

Bi destê xwey sipî ez kirmê hembêz  
Wekî pola helandim ez bi sarî

Me herdû dest li bejnê bûn *homail*  
Bi ber pêlan ketin reşbisk û çarî

Me talan kir ber û bistan bicarek  
Kenî û go: bese rabe Hesarı !

Me go: gorî Cigerxwîn bû divê rê  
Bi dest nayê wekî iro tu carî

## DESTÊ XWE PAQÎJKE JÎ XWÎNÊ

Soz dabû bi min ra  
Şeh û seydayê evînê :  
    Ko ew ji me ra wê  
    Sibehê bête civînê  
Ey şah û perîzade û  
Pir şeng û şepalê :  
    Carek were zû xweşke  
    Li dil dax û birînê

Bêzar û perişane ji  
Reşçavê te seyda  
Maçek ji du lêvên  
Teye dermanê birînê  
Şebnem li gulê bexçeyê  
Jîna te dibarî  
Biskên te ji miskê  
Leb û gerden ji qenînê  
Dêmên te henar û  
Çen û mem sêv û tirincin  
Awir ji kevanê  
Biriwan ketne kemînê  
Dil xwest ko ji lêvê  
Şekerî şerbetê firkî  
Min dî ku ji banî ve  
Du şêr daberizînê  
Şêran vecirandin dil  
Û malik biwe wêran  
Îdî me çi hêvî heye  
Vê saxî û jînê ?  
Bo çi tu wesan dûr  
Direvî, ey pet û latim !  
Mûyek ji te nadim  
Bi hezar zîn û şirînê

Ey xunceleba min !  
    Xweş û şérînî liba min  
        Herkes te dixwazî  
        Lê biçavê nekirînê  
    Min daniye vê rê  
    Ser û malê xwe bicarek  
        Kesrayî li dil ta-  
        Ku biçim zêrezemînê.  
  
    Destên te bi xencer  
    Tu dixwazî bikujî min  
        Sed hêvî dikim destê  
        Xwe paqijkî ji xwînê !  
    Sed ah û girînê me  
    QE nerm nakî dilê yar  
        Ma kuştîyê çavên te  
        Çi hacet bigirînê ?  
    Seyda dikujî da ku bijî  
    Ser bi reş û şîn.  
        Lê piştî ku seyda  
        Bikujî, qet meke şînê !  
    Wer da ku bi aştî  
    Dev û lêvên te bibosim !  
        Çil sale Cigerxwîne  
        Ji vê hevrik û kînê.

## BAXÊ ŞEHBALÊ PERÎ

Nazika min hate xwarê  
Daye hindur şawq û tav  
Xanî dagirtî ji bînê  
Nêrgiz û misk û gulav  
Bû bihişt û mîrg û gulşen  
Çîçek û gul pişkivîn  
Baxê Şehbalê perî bû  
Padîşahim ez di nav  
Dame destê gewr û nazik  
Ko bi germî min givaşt  
Herdû çavan tîr reşandin  
Sorelêvan kir selav  
Min di ber sînga xwe da  
Anî serî berdaye ser  
Ez bi çavan lê dinêrim  
Bejn û bala pir zirav  
Sihrebazin herdû çavêñ-  
Reşbelek, awir vedan  
Rû wekî berfa zinaran  
Bisk li hawîr bûne dav  
Lê çen û lêv û kepû  
Elmas û lal û gewherin

Sêv di sîngê de bilindin  
Nû gihane gewr û xav  
Ketme gomanêñ dikûr  
Pê-lan li min ñan bûn lehî  
Xweş di ber pêlan diçim  
Lê kî dizanî, av û av  
Min ji lêvan şerbeta-  
Sêvan vexwari dev bi dev  
Zulf û biskêñ misk û tarî  
Lê şikestî herdû çav  
Hewrê gomanan belav bû  
Tirs û sawîr qet neman  
Yar bi çavêñ reşbelek  
Ez zû gihadim ber delav  
Ez giham ber av û deştê  
Ketme nêv baxê bihişt  
Ox, li canê min çi xweş tê  
Dê çikim zêr û dirav ?  
Bexçeyê mûrê cina ye  
Dilbitirs ez pêde çûm  
Wê, li min dergeh vekir  
Ma wê çi bêjin dê û bav ?  
Go: Cigerxwîn, bo çi mœstî  
Dilbitirs û şerpeze ?  
Ma gelo, wê bêne destê  
Me' hero ev pêl û gav

## ÇEP Ü RAST

Meygeran mey digerandin çep ü rast  
Meyxweran mey difirandin çep ü rast

Surperî têñ ü diçin, gezme ü tîr  
Ji kevanan dirijandin çep ü rast

Hay ü hoyê serxweşan, dengê defê  
Xew ji çavan direvandin çep ü rast

Serxweşan dest dibirin naz ü keçan  
Me tenê mil dihejandin çep ü rast

Têne govend ü sema naz ü lewend  
Bi giranî dikişandin çep ü rast

Zo bi zo hev dibirin, şeker ü mey  
Lêv ji lêvan dimijandin çep ü rast

Şêgulî, bisk û kezî marêñ direş  
Ser biser minde xelandin çep û rast

Rûperî awir ji hawîr vedidan  
Tîr di dilda difirandin çep û rast

Gezmeyên çavêñ direş cerg û hinav  
Li me kalan dihelandin çep û rast

Bisk-bitêla, kofîkêla li me xweş  
Qozîyêñ çavan şikandin çep û rast

Wekû nayê di semayê keç û xort  
Bi milan hev dikilandin çep û rast

Dilber û neyşeker û ebrû kevan  
Zulf û cêník dicivandin çep û rast

Têñ ji hawîr dengê saz û naz û ken  
Em li masê dicivandin çep û rast

Surmepoşan dil revandin, serxweşan  
Xaçperestan dest pelandin çep û rast

Lalelêvan em kişandin dest bi dest  
Min li sêvan dest pelandin çep û rast

## PİR BÛM DİL PİR NABÎ

Ey dilberê  
Peyxamberê  
Lêv şekerê  
Ka soz û peymana berê ?

Biskan veke  
Zulfan şeke  
Dil pîr meke  
Mej'bîr meke  
Carek ji pişt pêrdê derê

Dêmên ãiges  
Çavêن direş  
Xalêن hebes  
Birhêن biwes  
Hilde ko her, roj bê derê

Perdê ji ser  
Xalêن diqer  
Hilde ku her  
Roj bête der  
Her kes bizanin vê sirê

Şêrîn kenê  
Hingiv çenê  
Dosta minê  
Dil hasinê  
Dil girtîyê te ez tenê

Gul wek devê  
Lêv hingîvê  
Min tim divê,  
Roj û şevê :  
Ez bêm cîvanê dêm dirê

Sîh sal temam  
Ez bende mam  
Hûnan meqam  
Lê yek selam  
Carek li ber çavan nedam

Ez bendeme  
Perkende me  
Şermende me  
Perwane me  
Sotim bi pêta agirê

## Bİ TORE BİXWİN VÊ NAMÊ

Were bayê sipîdê xweş  
Ji dest min bigre vê namê  
Bide destê sipî zendê  
Şekerxendê, bilind qamê  
Bi zanîn û bi tore xweş  
Bixwîne nameyê jêre  
Dibî navê me bête ser  
Zimanê şahe Behramê  
Bibêje: girtiyê biskê  
Te tim jar û birîndare  
Riha û bendeware ew,  
Qelabende di nêv Şamê  
Dixwazî pirsekê lêkî  
Ji wî re bersivê rêkî

Ji wan lêv û devê şêrîn  
Bişenî jêre peyxamê  
Li jîn û rewş û pergalê  
Bipirsî carekê salê  
Bibêje ko şev û rojan  
Ji te distenî ilhamê  
Di zindanê de rûniştî  
Dikî gaz û gili her dem  
Ku dînvîsî bi xwîna dil  
Li herdîwar û hindamê  
Eger bêjî: çiye daxwaz ?  
Kesê jar û birîndare  
Bibêje ko divê carek  
Ji van destan vexwî camê  
Li ser avan, li nav baxan  
Vexun mey, guh bidin zaxan  
Diriste çenget ji axa ber  
Derê dilber bi bosim ez  
Ji derdê min re dê xweş bê  
Gelek bêtir ji perşamê  
Eger dilber di xewda bî  
Bi nermî bigre ser dêman  
Xwe berde ser dev û lêvan  
Û reşbiskên wekî lamê  
Ji ber min ve dev û lêvan  
Û wan dêmên wekî sêvan

Tu ramûse, selavê min  
Bide wê şox û domanê  
Ji wan lêvên şirîn carek  
Ji bo min pirsekê bîne  
Di nêv lîza evînê de  
Du berkêñ min herin damê  
Dibî ew Şah û Keyxesro  
Bicarek min bikî azad  
Ku ser deynim li ber Laleş  
Bikim hey, hey, di hingamê  
Derê meyxaneyê rûnim  
Meyê firkim bi serbestî  
Li sazê guh bidêrin em  
Bikin nalîn digel xamê  
Cigerxwîn şah û xunkare  
Ku carek dest bidî yare  
Bi hev re herne seyranê  
Bi vê tektîk û bernamê.

## ME DIL DAYE PERTAVÊ

Bi serbestî were perda xwe bavê  
Ejî wek te mirovim, por belavê !

Were pêkve biçin nêv bax û daran  
Bidêrin guh li dengê ba û avê

Ji hevdî re ku çêbûne jin û mîr  
Hebûnek dûrî hev bin, qet me navê

Ji ber xwîna mine lêvên te sorin  
Ji xwêdana te ye şûşa gulavê

Ji tava herdû dêman dil bi pêtc  
Ji ber sîkê nevâm ko herme tavê

Di dîdara te de hatim pişaftin  
Li wê navê, wekî mirxê di davê

Ketim gola evînê kûr û bêqam  
Ji te pêve kiyê bêni peravê ?

Nêxôş û bawî û tawî, me pirsî  
Dibêjin: ko divêtin germe-avê

Tenê zanim ku derman gewresînge  
Bi wê şîn tê bihara dil, di gavê

Wekî bazêbelek wer ser perê min  
Te bavêjim Gizîra nav giravê

Bere kes me nebînî, dûrîdest bin  
Bere dijmin ji dexsan berxwe bavê

Te dêm dane û biskên reş ji davan  
Me dil çû danikê lê kevtî davê

Li ber mala me û we bûye govend  
Dibêñ rê bidne bûkê, bidne zavê

Xwezê roja ku bibne bûk û zava  
Li ser çavê me bê tevlî pêlavê

Ji wan lêvên şirîn camek binoşim  
Wekî tihni xwe bavêjim di avê

Ji bostanê te bigrim ez du sêvan  
Ku destê min herin wê pehnenavê

Bibim talanê zalê zengozêrîn  
Bihiştâ piştî jînê qet me navê

Perî navêm, ku lêvsorek li ba min  
Tenê tiştek bi dest nayê bi lavê

Were hembêz bikin em hev bi şadî  
Berî dijmin me têxî bend û davê

Tu rojî dil disojî lê metirse  
Cigerxwîn hişk û xurte wek benavê

## Dİ XEWNÊN ŞEVAN DE

Di nêv xewnêن şevan dilber dibênim  
Li dêman ayeta rindî dixwênim

Ji tovê miskê biskê, dane da min  
Ji bo' ko ez di nêv dil da biçênim

Ku şîn bê lê binêrim, bîn bikim ez  
Ku tim biskan di bîra xo werênim

Dema rabim ji xew sermest û gêjim  
Perîşan û nexwes, bêwes dimênim

Dixwazim ko bi diyarî bidme yarê  
Nizanim, bi kêre ez bişênim

Çi bêjim, pîr û kal û şermesarim  
Di vê rê de divê perdê hilênim

Bere her kes bi min qerfa bikî bes  
Li cem dilber tenê şêrîn bimênim

Xwedêkî qet mebêje kale seyda !  
Ciwanim, dilşiyarim, ten bi tênim

Serî çendan sipî bûye, belê ez  
Wekî gundek mezin ava û şênim

Cihan pêkve kul û xem bin di dil de  
Bi yek maçê ezê wan jê derênim

Eger dilber ji dil destan bidî min  
Ezê eywanê jêre nûvezjênim

Eger şêrîn, lebê şêrîn bidî min  
Wekî Xesro cihanê rahejênim

Were meyger, bide cema lebaleb  
Ku toza bendewarî dawesênim

Delala min dinav desten neyara  
Dixwazim wê bi zorê rakişênim

Mebên seyda Cigerxwîn bûye kale  
Divê nemrim heta dilber bibênim.

## AGİR Ü PÊTA EVÎNÊ

Evîn ji pêta agirî  
Her dem ji ber nal û girî  
Kî kari carek hilgirî  
Ahî ji destê te evîn

Evîn bicarek ar û pêt  
Herçî ku pêtek pêve bêt  
Bê hiş dibî şeyda û şêt  
Ahî ji destê te evîn

Şerînê pêşî, wek şekir  
Pê xweş dibin can û ciger  
Dawî li min dil kir du ker  
Ahî ji destê te evîn

Bawer dikir tenha evîn  
Dîdar û hembêz û civîn  
Maçin ji lêvên pir şirîn  
Ahî ji destê te evîn

Heta ku ez serxweş kirim  
Pir hêvî û bê hiş kirim  
Şermest û pir bêweş kirim  
Ahî ji destê te evîn

Ez mest û jar û dîn kirim  
Wer gawir û bêdîn kirim  
Bê xwendin û bê tîn kirim  
Ahî ji destê te evîn

Evîne rewşa dilberê  
Şêrînkenê, lêvşekerê  
Agir di nêva cigerê  
Ahî ji destê te evîn

Ê dil di tora dilbera  
Can daye çavêن esmera  
Armancê tîr û awira  
Ahî ji destê te evîn

Ebrûkevana porşevî  
Ki dil di benda wê kevî,  
Kengî dikarit rakevî ?  
Ahî ji destê te evîn

Wê nazika şeker ji ken  
Da min ji rêve lêv û çen  
Suhtin li min wê can û ten  
Ahî ji destê te evîn

Evîn ji pêta agirî  
Dil girtiye qet namirî.  
Fêde çine ah û girî  
Ahî ji destê te evîn

Nalîn ji ber daxêن dikul  
Jan daye cerg û nav û dil  
Lê, min şikestin pişt û mil  
Ahî ji destê te evîn

Gava ji dilber dûr dibin  
Birîn di dil de kûr dibin  
Sermest û pir rencûr dibin  
Ahî ji destê te evîn

Pir ah û pir awaz didim  
Perwaz bi rengê baz didim  
Diser çiyan re bazdidim  
Ahî ji destê te evîn

Ger çi ku min bazare dil  
Pêt û birûsk û are dil  
Paytext û warê yare dil  
Ahî ji destê te evîn

Radare dil, dûrbîne ew  
Yar têde kesk û şîne ew  
Tehlî li pey şêrîne ew  
Ahî ji destê te evîn

Dilber ku carek bête bal  
Datêni ber pê zêr û mal  
Ji bîr diçin dost û heval  
Ahî ji destê te evîn

Ahî ji dest şêrîn devê  
Şeker kenê, lêv hingivê  
Jehr û mirin bî, min divê  
Ahî ji destê te evîn

Jehra ji wan lêvên şirîn  
Xweş tê li min wek pensilîn  
Pê xweş dibin derd û birîn  
Ahî ji destê te evîn

Cama evînê pir bi weş  
Çawa vexwar ez çûm ji hiş.  
Ger ez mirim canê te xweş  
Ahî ji destê te evîn

Evîn ji destê yarı bit  
Çendan ku pir dijwarî bit  
Dê dil bi wê hişyarî bit  
Ahî ji destê te evîn

Evîn wekî saza dile  
Nalîn û awaza dile  
Xweş vîn û daxwaza dile  
Ahî ji destê te evîn

Evîn ji çavêñ reş dizê  
Bîna binefş û nêrgizê  
Wek şîreya şêrîn mizê  
Ahî ji destê te evîn

Carek ji destê dilberê  
Şêrîn lebê, dêm gewherê  
Dîsa vexum ez wek berê  
Ahî ji destê te evîn

Ew nazika pir gewr û rind  
Dêm gewhera, bala bilind  
Carek bidî min ew lewend  
Ahî ji destê te evîn

Ez dê vexum pingavî bî  
Jehr û mirin pir navî bî  
Wer min mirin wê gavî bî  
Ahî ji destê te evîn

Em dê vexwîn, wer dîn bibin  
Pir serxweş û bê dîn bibin  
Can û ciger tev xwîn bibin  
Ahî ji destê te evîn.

## Dİ SER ÇAVÊN ME RA HATÎ

Tu hatî lêvşirîna min !

Evîn û dilvirîna min !

Were xweşke birîna min !

Di ser çavên mera hatî !

Bi xeml û xêz tu wek zîni

Şepal û şeng û şêrînî

Ji daxwazê re dûrbînî

Bi dîdarê pet û latî !

Bi dîdara xwe pir rindî  
Birû heyv û şeker xendî  
Di vê rê de hinermendî  
Bi bejna xwe tu şemşatî

Ji min can û ciger kuştin  
Dil û mîlak hemî miştin  
Tijî tîr û ber û xiştin  
Bese ev malemîratî !

Bese ey dilber û gawir !  
Bibarîne li min awir !  
Te can û dil kirin agir,  
Bi talan û bi berbatî

Te maçek da bi şîranî  
Me can û dil li ser danî  
Û gawir hêj dibê: kanî ?  
Te qatek da bi sed qatî

Bese seyda, çine gazin ?  
Di dil de tîr û rim bazin  
Me xew nayê, çilo razin ?  
Di vê cengê de Şehmatî !

Bi bejna xwe neya avî  
Ji bircê derkevî tavî  
Di her çax û di her gavî  
Tu naz û tirhik û katî

Bi nazdarî tu wek şengî  
Sipî zendî, şeweq rengî  
Çi padîşah û serhengî ?  
Dikî zorê li min tatî

Li ber te tat û cotarim  
Meger ez jar û bêzarim  
Li bejna te evîndarim  
Li te pîroze paşatî

Li te pîroze ey dilber !  
Ku mal û can û dil yek ser  
Me dan ber pê, evînperwer  
Ezim rendê xerabatî

Xerabatim d'meyxanê  
Me mey da Ehmedê Xanê  
Cezîrî firke fincanê  
Ji kûp û kûzikên batî

Ji kûpê destê kolxozê  
Perîrengê, şeker sozê  
Me mey noşî giham dozê  
Du sêvên sore exlatî

Vexwarî min ji wan lêva  
Şerab û şerbata sêva  
Gelo kes dî ji min pêva  
Giha bejna lihevhatî

Hezar û sed evîndarin  
Di vê rê de birîndarin  
Bi qêrîn û bi hawarin  
Tenê ez xurt û jêhatî

Di vê rê de gelek mîrim  
Piling û ejder û şêrim  
Bi tac û gewher û zêrim  
Bese seyda ebûqatî !

Cigerxwîn bes bike forta  
Tu pîrî lê wekî xorta  
Te dil da ber şiv û rota  
Bixwe kohê Eraratî.

## HELBESTAK

Ebrû şevê  
Şêrîn devê  
Lêv hingivê  
Xanim !

Ez nexweşim  
Ne serxweşim  
Derî veke  
Canim !

Me soz dabû  
Bighêne hev  
Herdû bi şev  
Şerîn !

Evîndarê  
Çavêن belek  
Wan diranên  
Zêrîn.

Ebrû şevê  
Şêrîn devê  
Lêv hingivê  
Xanim !

Ne serxweşim  
Ez nexweşim  
Derî veke  
Canim !

Em bi hev re  
Çübûn çiyê  
Efendîyê  
îro.

Reqs û sema  
Li ber çema  
Mane heta  
Nîro.

Ebrû şevê  
Şerîn dœvê  
Lêv hingivê  
Xanim !

Ne serxweşim  
Ez nexweşim  
Derî veke  
Canim !

Te go: were  
Ez bi te ra  
Heta sibê  
Razin.

Tu deymeye  
Derî veke  
Ji bo çi ev  
Gazin ?

Ebrû şevê  
Lêv hingivê  
Şêrîn devê  
Xanim !

Ne serxweşim  
Ez nexweşim  
Derî veke  
Canim !

Ez şewitîm  
Dil peritîm  
Wer şemîtîm  
Hatim.

Rob li xwe ke  
Derî veke  
Tu deymeke  
Satim.

Ebrû şevê  
Lêv hingivê  
Şêrîn devê  
Xanim !

Ne serxwêsim  
Ez nexwêsim  
Derî veke  
Canim !

Bi wî seri  
Ji ber derî  
Maçek nedî  
Narim.

Ji awirên  
Çavêن belek  
Zanî birîn  
Darim ?

Ebrû şevê  
Şêrîn devê  
Lêv hingivê  
Xanim !

Ji bo xwedê  
Tu guh medê  
îşev şeva  
Înê.

Xwe dîn meke  
Derî veke  
Ez hatime  
Dînê !

Ebrû şevê  
Şêrîn devê  
Lêv hingivê  
Xanim !

Ne serxweşim  
Ez nexweşim  
Derî veke  
Canim !

Sebra dile  
Rû ji gulê  
Dipaxilê  
Sêvin.

Mala minê  
Ji hatinê  
Daxwaz :  
Dev û lêvin.

Ebrû şevê  
Şêrîn devê  
Lêv hingivê  
Xanim !

Ne serxweşim  
Ez nexweşim  
Derî veke  
Canim !

Cejne siba  
Bi maçekê  
Pîroz bike  
Jînim.

Dilbirînê  
Çavêن belek  
Ji ber te bê  
Tînim.

Ebrû şevê  
Şêrîn devê  
Lêv hingivê  
Xanim !

Ne serxweşim  
Ez nexweşim  
Derî veke  
Canim !

## CEJNE YAR DILXWEŞ DİBİ

Cejne īro kixme poşî  
Yar gelek dilxweş dibî  
Xunceleb rû wek gula  
Nû pişkivî pir geş dibî  
Her çiqas gewr û sipî bin  
Gerden û dêm û enî  
Temberî rengê şeva  
Tarî bi ser de reş dibî  
Awirek çavên bèlek  
Wek tîr li cergê kê kevit  
Dilşikestî bendewarê  
Ebriwên mehweş dibî  
Ê ku çil salî şevêñ reş  
Postnişînê kunce bit

Lê bi fermanek şirînê  
Ser bi ber Laleş dibî  
Devbiken ber dî bi pîrê  
Payedar û olperest  
Rast û çep dê bê sema  
Wek lewleb û kerkeş dibî  
Ev cihan pertew didit  
Ger dêm ji perdê derkevin  
Goşeyên çavêن direş  
Bişkin, tijî ateş dibî  
Ger sipîdê bête der  
Wek şêr ji lanê derkevit  
Erdeşêr bî, ey Cigerxwîn !  
Her li ber bê weş dibî

## GAZİN ÇİNE

Gazina meke bi kêr nayên ev gazin  
Çima tu nayê di ber hev de em razin ?

Em herdû ji hevin û hev ñixwazin  
Ger çi dijminê hov, dirinde naxwazin

Te maçek berî pêlakê dabû min hê ...  
Ev çend salin ko em ji ber wê ranazin

Ca, were kulmekê li min de cana !  
Da bê guhê min dengê bazin û berbazin

Li sazbendê evinê guh bidêre,  
Li hawîr jîndar bi qêrîn û awazin

Nazan ber bi jêr ve direvin bê doz  
Lê evindarin serbilind û efrazin

Ji hebûna me ye ev deng bi jînê ket  
Em jê ra sazbend û em jê ra devsazin

Ev dar û ber û çiya û av û baran  
Ji jînê ra tev kêlik û tev razin

Ev çavres, ev dêmges, gewr û naz û rind  
Kur hemî qeşeng û keç hemî têrnazin

## NAME YA DERD Û XEMAN

Wek rojî, ji bircê ko tu hatî kelehê  
Tîrêj ji xwe berdane riwên qad û mehê

Keyxusriwê ko hatî ji eywan û sera  
Ku serî daniye xweş me li ber pê te şehê

Nameya derd û xeman ko bi xwîna xwe nivîsî  
Da destê te, kengî tu dipirsit gilehê !?

Rûdêm wekî rojin û kezî bûne xefalok  
Birhêñ te ziravik, wekî nûbar û jehê

Perda xwe tu rake ku şefeqrenge xuyabin  
Da ser bi tewênim, li berî qublegehê

Camek ji şeraba lebê lala bide min  
Rewşa xwe dibênim, di şerab û qedeöhê

Carek were vir ko tu dixwazî me bibêni !?  
Dilşadî bibin em herdû hetta sibehê

## YARA

Yara te bi yarî tijî kul kirye derûnim !  
Şev ta bi seher, nal û girî, xwar û nixûnim.  
Haşa ko hebin wek te bi dîdarî û rindî  
Agahî, dizanî, di evîna te çi tûnim ?

Beyhûde me dan bê pere ev jîn û ciwanî  
Zer bûme seraser, pelê payîzê xezanî  
Der pêlê xem û girtiyê zindanê nezanî  
Goya, li cihan ez ademîzadê hebûnim

Zencîrê setemkarî li mil hatine pêçan  
Çend sale li serhev girtiyê zindan û perişan  
Bindestê neyaran, kul û xem, qamçî û lêdan  
Çil sale li serhev ku bi dil xerçeyê xûnim.

## PENGE RÛ

Bejn û bala pir şirîn û  
Şox û şenge, penge rû  
Tenberî wek şevreşe  
Ebrû ji hîv û mange rû  
Lê ji çavan tîr dibarin  
Rengê marin reşgulî  
Ser bi ser sîngê de têñ  
Lê li jorê şenge rû  
Bisk û cêniç tang û topin  
Şer digel xalan dikin  
Herdû ebrû reşkevanin  
Lê digel wan cenge rû

Gerden û sînga sipî  
Rengê berfa ser çiya  
    Lê di meydana evînê  
    Pir bi nav û denge rû  
Ev kezî û bisk û ebrû  
Çav û lêv û bejn û bal  
    Tîp û tang û leşkerin  
    Lê tenê serhenge rû  
Min di rû de roniyek  
Dî, ko me ser danî li ber  
    Qencî û dana hebûnê  
    Kê diye evrenge rû ?  
Xoşî û şîranî û rîndî,  
Ciwani, têde pir  
    Payedarî, serbilindî  
    Ez dibênim benge rû

## TU ZANÎ MA ÇI DERMANE

Ji dîdara perî rengê

Birû heyvê gulî şengê

Enî gewrê wekî pengê

Dinalim ez wekî çengê

Bi qîr û nal û giryanim

Tu zanî ka ci dermanim ?

Li ser çavêñ me bê xanim !

Bi bosim ez lebêñ lala

Ji wan lêvan dinoşim ez  
Meke bawer li hoşim ez  
Birîndar û nexoşim ez  
Seraser dil bi coşim ez  
Xerabatim perişanım  
Tu zanî maçe dermanım  
Li ser çavê me bê xanim !  
Bi bosim ez lebên lala

Perişanım di vê bendê  
Ji derdê vê şeker xendê  
Belek çavê sipî zendê  
Disojim ez wekî findî  
Li dîdara te perwanım  
Tu zanî maçe dermanım  
Li ser çavên me bê xanim !  
Bi bosim ez lebên lala

Bi dîdara xwe ez kuştım  
Şikandin tev mil û piştım  
Ji wan tîran ko dil miştım  
Serepa ez nexwaş hiştım  
Di qeyd û bend û zindanım  
Tu zanî ma ci dermanım ?  
Li ser çavê me bê xanim !  
Bi bosim ez lebên lala.

## DERDÊ DERÛNİM

Mala me xerabkir te bi vê hatin û çûnê  
Wer rûnê li nik min berî binurim were rûnê

Espîdê were da te bibosim li xurînî  
Maçek ji du lêvên te, li şûna qeretûnê

Em hatine jînê ji bo hevdî bîmi jêminê  
Dilxoşîye sermayeç vê jîn û hebûnê

Wek sorgulî rûges, ku di jînê de ciwanî  
Lêvên ji aqîqê ku te şor kirne ji xwînê

Bo çî tu li hember vediwestî wekî rojê ?  
Gulyêñ zerezeytûnî lipêşber me dihûnê

Ger ez te dixwazim, ji hebûnê eve daxwaz  
Sed dax ji nebûnê me kîşandin li derûnê

Sotame seraser di evîna te de, dilber !  
Wer guh bide dil, qîç-qîçe wek arê qelûnê

Maçek bide seyda û bicarek tu mexeyde  
Sed heyfe ku dilkul herî bin ax û nebûnê

Hingî wekû saxe bere dilxoş û ciwan bî  
Lê kengî serî danî bicarek meçe şûnê !

Seyda ku Cigerxwîne ji tîrê biriwên res  
Dil jare li ser sorgulê dêmên te dixûnê

## OCAXE YAR

Serbest ku ketim odehyê wê hore-suriştê  
Bêcamê şevê lê bû, sivik ketme teniştê

Maçek me ji lêvan bir û dest çûne du sêvan  
Gazin ji mitêlê dikirin: kêlek û piştê

Ocaxe, me ser daniye ber Ebriwên tûz-res  
Parastî ji çavan bi tilisim û bi niviştê

Narinc û gul û çîçek û beybûn û binefşin  
Min dest bire nav sîng û beran, ketme bihiştê

Sûnd xwar ji te pêvc kesî ev der ne pelandî  
Min go: ji xwe ez diğme cihân kes ne gihiştê

Nêçîr, me li: dêm û leb û çav û biriwan kir  
Go: ma ne bese, ka ji çiyê dakeve deştê ?

Min go: ser û pa tev pet û lat û senemî tû  
Wek agirê Zardeştî di pûtxan û keniştê

Bawer me bi te anî ye, ser daniye ber pê  
Ki ser nedî ber pê, ku ji eywanê bi meş tê ?

Ev bûn û nebûn, tev ji te ra jêder û dîdar  
Ev xoşî û naxoşî, ji wan çavê keleş tê

Jîna te ye, vîna te ye, dîna te ye cana !  
Ji dil û canê Cigerxwîn re gelek xoşî û weş tê.

## YAR HAT CİVİNA MİN Bİ ŞEV

Yar hat civîna min bi şev  
Şevnem li Nesrînan rîjî  
Çîçek wêşandin wê bi dev  
Sunbil ji şerma rahejî  
Nêrgiz bi beybûnan kenîn  
Sorgul ji lêvan pişkivîn  
Çol tev li ber pê bû bihar  
Herder ji bînê mî tijî  
Doza ciwanê cane, lê  
Cama lebaleb daye min  
Ma kî ji lêvîn Erxewan,  
Cama şerabî namijî ?

Cama şeraba lal û dir  
Min lêv bi ser lêvan de bir  
Sêsed qede min jê vexwar  
Tîna dilê min nakujî !  
Dilxweş dibûn, rûgeş dibûn  
Bê hiş dibûn, serxweş dibûn  
Bê jîn û vîn û leş dibûn  
Ê yar bi dest ket, ka mijî ?  
Piştî giham ava heyat  
Bi hiş xwe hatin tev lebat  
Mêtin ji dev qend û nebat  
Bihişte ev şev, her bijî !  
Pişkojê vê jînê emin  
Beybûnê çâbûnê emin  
Dilsojê vê çûnê emin  
Lê hêjî candar napijî  
Boçî dîbin perda şevê  
Bîghême vê şêrîn devê  
Wê jî wekî min ev divê :  
Dako bi şadî xweş bijî

## XEYAMÎ

Qurtek ji şeraba rez  
    Û qurtek ji şeraba dev...  
Were ey hevala min !  
    Serxweş bibin em tev  
Ji jînê me ev şev dizîye  
    Ba bertelef neçî pir heyfe  
Bi destê me nakevin carek dî  
    Ev xoşî, ev şadî, ev reng şev.  
Berî ko sipîde bavêjî û bangdêr  
    Biqîrî, bibêjî: hoho ho ho ...  
Ger pêwan bi ser me de bêñ  
    Bi destê me nakevî çûn û rev

Ka şerabê vexun belkî em  
Bighên veşartiyên jînê xweş  
Çiman em dê bitirsin, ji kî ?  
Kes kesî nasnakî, ne ew û ne ev  
Em konê xwe barkin, wê kî, kî,  
Li warê me deynî kî, kî ?  
Çima em ji hev ditirsin,  
Û çiman em dixwazin hev ?  
Dîwarêñ Bêdawî li kuye,  
Kî zanî, kî zanî, kî, kî ?  
Cihan şevreşe, tev bahoz û toz  
Serma û banger û bandev  
Tako jîndarin were em hev  
Bimijin hemî mîr û jin  
Lêvîn min û tene hingiv û şêrîn  
De were bi şadî em bihingevin hev

## TİHNİMË

Wer, da me bibînî, şeh û rêzanê evînê  
Zanî çiye daxwaz, me ji vê hatin û dînê ?

Gazinde dîkin can û ciger gazi û qêrîn  
Gilyê te dîkin, ey sebebê nal û girînê.

Xencer te li dil xistiye ey xwînxwar û mîrkuj !  
Maçek ji du lêvên te ye dermanê birînê.

Hacet çiye nazî û ji sâzê çi dixwazî ?  
Wer guh bide carek tu li vê nal û enînê

Carek tu bixwîne şeh û rêzanê ciwanan  
Nama ji te ra ko me nivîsandî bixwînê

Cana, te nevêtin bimirim zû were ser min  
Lê ger te nebênim, dimirim ez ji nedînê

Tihnimê, dizanim qedehek mey ji lebêñ sor  
Ew dil me di parêzî ji vê sohtin û tînê

Mizgîn ji mera hat, ku şirîn tête civanim  
Min can û ciger daniye ber pê te şirînê

Herçî ku binasî te bi dîdarî û rindî  
Guh nadî bicarek li Xec û Zîn û Şirînê

Sed Zîn û Şirîn û Xec û Dilşah û Perîşan  
Xemla xwe çirandin bi girî, nalî û şînê

Destbestîyê dergahê te ne sed Mem û Ferhad  
Bêzî ne ji vê dewlet û vê saxî û jînê.

## ŞÊRÎN LEBÊ

Bibêm çi, bê: libê, şêrîn leba min !  
Were rûne bi şîranî li ba min

Li bejna te qebayê kesk û etles  
Ku rengîn kir bi xwînê ew qeba, min

Birîndarê du çavêrîş hezarîn  
Niha bûne hezar û yek teba min

Li hawîr em dinalin ah û qêrîn  
Tu guh nadî kesî, xanim, seba min

Di rojê tar û tengî xem revînî  
Di van rojan xwezî wek te heba min

Li min barîn şev û rojan kul û xem  
Xuyanabin ji hev roj û şeba min

Hemî pêl û lehî, tarî û rûrîş  
Nizanim wê çi bênin ser, siba min

Tenê min daye ser vê rê bi xurtî  
Tiwî ala û tox û mewkiba min.

## DİLO MİZGİN Lİ TE ŞABE

Dilo mizgîn li te şabe  
Şekerxend û bilindê hat  
Bese idî ji xew rabe  
Sipîzend û lewendê hat

Li ser çavêن me xana min  
Ciwan û cerg û cana min  
Ji bo maçek bidana min  
Sipîdê gewr û rindê hat

Ji bo serkî bidî ser min  
Ji bo carek werî ber min  
Ji zindanê bixî der min  
Tili wek mûm û findê, hat

Emîr û begler û xanê  
Jî bircê hate eywanê  
Go: wî derxin ji zindanê  
Ziringêni ji zendê hat

Jî zindanê birim bircê  
Şirîn û nazik û gurcê  
Du dur dan min ji nêv durcê  
Belexşan bûn ji Hindê hat

Belexşan sore wek dêmê  
Bi rengê birçîyan têmê  
Jî wan lêvên şeker zêmê  
Şeker barî, ji xendê hat

Ku şêrînken giha ba min  
Selavek pir biha da min  
Şirîn û rind û şaha min  
Ji bo berdî ji bendê, hat

Ji bendê ez kirim azad  
Bi yek pirsê kirim dilşad  
Cigerxwîn, bes bibe bêmad  
Şeha seyda pesendê, hat

## FETWE YA PİRÊ MEXAN DA

Îşev civanê me ye  
Bêjin keçê bila bê  
Li nav bexçe rê heye  
Ko em vexun şerabê

Emê rûnin li banî  
Mase li jor me danî  
Da ko nebit xuyanî  
Şêrîn û mahî tabê !

Perdê ji ser xwe bavê  
Guhdêre saz û avê  
Awir da dil ji çavê  
Xwe dîn û malxerabê

Dilber ku hate ba me  
Nazdar û meş xerame  
Wê bi destê xwe da me  
Şîra ji nêv leba bê

Meyger meya gîran da  
Awir vedan û yan da  
Fetwa pîrê mexan da  
Ji zirne û ribabê

Şerînkenê giha min  
Wê zû devê xwe da min  
Mîr û padîşeha min  
Şêrîne wek xuşabê

Cam û qedeh li hev dan  
Sed maçe min ji dev dan  
Sîng û memik me tev dan  
Bîn ji misk û gulabê

Ez dîn kirim bê dînê  
Serxwêş kirim bi dînê  
Bi şîşikên evînê  
Dil kirye wek kibabê

## DİL PERÇE PERÇE HÜR DİKİ

Kî dizanî yar çima ko xwe ji min wer dûr dikî  
Yek awirêن çavêن belek, dil perçe perçe hûr dikî

Lê her dema tê û li min pirsê dikî dil xweş dibî  
Carek ku bê û dey nekî, daxa di dil da kûr dikî

Ko devbiken tê bal me da, sorgul li hawîr şîn dibin  
Lê ez dizanim wê çikî, ko ebriwan wek şûr dikî

Wê xwînxwerê talan kirim ko dane ber pê can û dil  
Lê ev setem ma kî dikî, wek guhreş û Teymûr dikî

Min dil dinalî ta sibê hawar ji destê dilberê  
Ca, wer temaşa, guh bidê, dil wek ney û tenbûr dikî

Lê min ji wan çavên belek, sed ah û nalîn têñ ji dil  
Heta ku dil pêlan didî wek Dicle û Xabûr dikî

Ma qey ji vê xwînxwariyê, carek kesî karek diye ?  
Gorî, Cigerxwîn, bo çi dil pir kul û rencûr dikî ?

## HOVE NEDA RENGÊ XEZALA

Pêjna me kir û hove neda rengê xezala  
Dûr ket û nerî herdû birû rengê hilala

Min go: tu çiman wer direvî qey me nenasî  
Go: şerm û fehête me ji van dost û hevala.

Min go: de were, da bi edeb biçme tewafê :  
Yek bose ji Qewsên biriwan bo me helala

Go: ma te diye, fetwa te qey qewlê qedîme ?  
Min gotê: bi min qewlê qedîm xewn û xeyala

Ez muftiyê işqim, bi xwe fetwa me evîne  
Go: muftiyê işqê tiwî, fetwa te betala

Min go: tiwî laleş bixwe hatim te bi bosim  
Go: xirqe û bendik tunebin ev jî mehala.

Min gotê: Cigerxwîne di benda te dinâlî  
Go: raste Cigerxwîne, di benda me delala,

Destê xwe bi min da û me ser ber bi piyan bir  
Go: na... tu Cigerxwîne minî, hilkişê bala. !

## BEXTÊ SİPÎ

Bextê me sipî bûye

Sipîdê ko tu hatî

Cana pet û latî !

Wek roj vedijêni dilê seyda

Ko te patî

Pertav û şewatî !

Çavêni me li rê te qerimîn

Qilzemê jînê ! ..

Pingavê evînê !

Daxwaz me di jînê tiwî

Wek qend û nebatî

Ey doh û heyatî !

Pir kûrî, bi nûrî,

Wekî pertew tu dixanî

Ez laş û tu canî !

Ez girtiyê zindan

Û tu wek birc û kelatî

Daxwaz û felatî !

Keyxusriwê rinda !

Seyda

Wek serxweş û şeyda

Cotek tu ji sêvên

Ber û bustanê xelatî

Bidyê bi xelatî !

## GUH BİDE DİROKÊ

Nexweşim li ber serê min  
Rûniştiye xweşkokê  
Serê xweyê gewr û bôz  
Min daniye serçokê  
Dinehwirênim, dîroka  
Jêre dibêjim ez  
Bi ser min de pûnişt  
Û guh didî dîrokê  
Min çavê xwe vekir  
Allah !çi binêrim ez;  
Ebrû xwarin wek hîv  
Û dêm sipîne wek rökê  
Min destêن xwe ber bi  
Xwedê ve bilind kir û go  
Xwedêwo biparêze vê  
Ji çavan, zarokê  
Ez lê dinêrim û dihejim  
Wek neya nav avê  
Ronikên xwînî riwê min  
Kûr kirine we cokê  
Çi xwêdanek bi min ket  
Lê nizanîm çi bêjim ez ?

Herwekû havîne û ez  
Ketime serşokê  
Xwe bi ser min de xwar kir  
Û lêv gihane ser lêv  
Çibihneke xweş jê tê  
Wek gulav û bînokê  
Min destêñ xwe avêtin bejnê  
Û bir û anî xweş  
Hîç gazinde nekir ji  
Maç û gezan, keçkokê  
Min ew bi ser hevde givaşt  
Û talanê dêw bir  
Carek ne xeydî da nebêj-  
İmê xeydokê-xeydokê !  
Maç û gez û guvaştin û  
Gevzandin û talan  
Bû rezê ko bikevî  
Ber terez û teyrokê  
Divê mizgevtokê ji Merdox  
Re ava bikim ez  
Ko xiste nav destêñ min  
Devliken û nermokê  
Cigerxwîn çîroka wek  
Şekir ãibêjî, raste  
Yan ketiye nav sawîr  
Û gaman û çîrokê

## EMAN HEY LÊ

Tu şerînî pir ciwanî  
Lêv ji sorê erxewanî  
Kê bi vî rengî tu anî ?  
Wer di nav destê min danî  
  
Hey lê hey lê  
Hey lê hey lê...  
Şev û rojan  
Ez di meylê

Xamekêşan xweş nivîsi  
Heyv û rojin lê dîisi  
Qelen pire hezar kîsi  
Kes nikari te ranişî  
  
Hey lê hey lê  
Hey lê hey lê...  
Şev û rojan  
Ez di meylê

Zirav bejnê nûzarokê  
Kiras kinê li ser çokê  
Por şevînê, rû ji rokê  
Hey lê hey lê  
Hey lê hey lê...  
Şev û rojan  
Ez di meylê

Min xwedî kir bi xêzanî  
Bi dilhişkî, cangiranî  
Mal û canê xwel ser danî  
Hey lê hey lê  
Hey lê hey lê...  
Şev û rojan  
Ez di meylê

Bilind bejnê serwa sehê  
Enî rojê ebrû mehê  
Neghane vê remza te hê  
Hey lê hey lê  
Hey lê hey lê...  
Şev û rojan  
Ez di meylê

Gewher çenê şerîn kenê  
Hingiv di nêv lêv û çenê  
Berfa sipî di gerdenê  
Naghê kesî bi xwestinê

Hey lê hey lê  
Hey lê hey lê...  
Şev û rojan  
Ez di meylê

Reştemberî rengê şevê  
Ebrû kevan ciwan çivê  
Xwîn şerînê wek hingivê  
Rengê gulê lêv û devê

Hey lê hey lê  
Hey lê hey lê...  
Şev û rojan  
Ez di meylê

Çavên belek çi mîrkujin  
Lêven disor çi xwînmijin  
Bisk û kezî çi xwînrijin  
Dêm û enî pir paqijin

Hey lê hey lê  
Hey lê hey lê...  
Şev û rojan  
Ez di meylê

Lêv şêrînê dêm şekerê  
Carek me dît li ber pire  
Min bi çavan gazî kirê :  
Ka ew evîna mey berê ?  
Hey lê hey lê  
Hey lê hey lê...  
Şev û rojan  
Ez di meylê

Gotin xwesê, dilovanê  
Gulê gazikir rihanê  
Wer binêre vê ciwanê  
Kê ev reng û rindî danê ?  
Hey lê hey lê  
Hey lê hey lê...  
Şev û rojan  
Ez di meylê

Reyhan kenî gote gulê :  
Sêv gihiştin di paxilê  
Bisk û kezî reşkakilê  
Lêv dermanê derdê dile  
Hey lê hey lê  
Hey lê hey lê...  
Şev û rojan  
Ez di meylê

Bi qûndera kabik tesi  
Hat û di ber min ve mesi  
Rista mina goşî weşî  
Hûna mina qafî xweşî

Hey lê hey lê  
Hey lê hey lê...  
Şev û rojan  
Ez di meylê

Rista mina ji gewhera  
Ronî didî rengê çira  
Bira nadî destê bira  
Min rîkire ji doşa xwe ra

Hey lê hey lê  
Hey lê hey lê...  
Şev û rojan  
Ez di meylê

Rabe ser xwe dilovanê !  
Em derkevin ji zindanê  
Dest bi desten te hozahê  
Da em herin Kurdistanê !

Hey lê hey lê  
Hey lê hey lê...  
Şev û rojan  
Ez di meylê

## EVİNA DİL

Evîna dil, te dil kirye bîrîndar  
Bihara min, hemî zer bûn gul û dar

فره بع  
Me ew rojêñ ciwanî, dan bi tolîk  
Ketim hêstê, ji nûve bûm evîndar

Diran û çav û dil pêkve şikestin  
Û porê min sipî bûye bi yek car

Bi her çaran dibî xort û dibî pîr  
Ji bona min nema hêjane her çar

Nezanim ez, digel jînê dibazim  
Weke berxê dinav pencên gurê har

Cihan pêkve di çavê min dê xwes bû  
Niha, pîrim, di çavê min de bû sar

Şeva reş pej vedane, hate ser mın  
Ku roja min liber avaye, êvar

Ciwan bûm, ez bi dost û yar û kes bûm  
Ku pîr bûme, hemî kes bûne nayar

Evîna min wekî hespê çelenge  
Revandim ez, ne zengî û ne hevsar

Li kû dimrim, diçim kû, ez nizanim  
Dema dimrim, ezê çibkim bi Hessar ?

Ketim hêstê û serjêr bûme deşte  
Ne ew lat û nê ew hîm û ne ew dar ...

Berê rîngê pillingan ez bi saw bûm  
Ji ber xapan, niha ezi bûme keftar

Bi ber pêlan ketim bê doz û daxwaz  
Dinalim ez wekî Hirçê birîndar

Ciger-xwîn bes bibêje, pir dirêje  
Bese kurdo, ji xew rabe tu hîşyar ....

Stockholm - 18/6/980

## NIVIŞTÊN CİGERXWİN YÊN ÇAPKIRÎ

- 1- Dîwana yekem (Pirîsk û pêtî) -1945
- 2- Cîm û gulperî (çîroka yekem) - 1948
- 3- Dîwana diwem (Sewra Azadî) -1954
- 4- Reşiwê-Darî (Çîroka diwem) - 1956
- 5- Gotinêñ Pêşîyan -1957
- 6- Destûra zimanê kurdî -1961
- 7- Ferheng (perçê yekem) -1962
- 8- Ferheng (perçê diwem) -1962
- 9- Dîwana siyem (Kîme ez ?) -1973
- 10-Mîdfa û Salar -1973
- 11-Dîwana çaran (Ronak) - 1980

